

MAHAFOY NY REHETRA

 Mahazoa toerana ianareo. Tiako ny hilaza amin'ny rehetra hoe manao ahoana. Tena faly ny tonga eto izao hariva izao. Mihevitra an'izao fotsiny ho tena tombontsoa lehibe iray ny tonga eto, ity fiangonana vaovao maha-te-ho tia ity, mba hanompo ny Tompo. Efa nanantena an'izao izahay, ny ho tonga eto, nandrity ny fotoana vitsy, ho an'ny fotoan'ny fanompoana miaraka amin'ny olona, sy hisitraka an'ireo fitahiana, ary matoky fa ho fitahiana iray ho anareo olona izahay. Ary satria manomboka mandeha ny herinandro ankehitriny, ary eo dia fantatsika fa manatona ilay favoriana ankehitriny, manomboka amin'ny Alakamisy.

² Ary vao avy nandre aho tamin'ity tolakandro ity, tamin-dRahalahy Williams, fa manana fahatampohana lehibe iray isika amin'ny Alakamisy hariva. Hiaraka amintsika i Rahalahy Oral Roberts, mba hiresaka, ny Alarobia hariva. Ho tena fahatampohana lehibe iray amintsika rehetra tokoa izany, satria mpiresaka matanjaka be iray Rahalahy Oral. Ary ho tsara ny ho tonga hahita azy, ny tenako, indray, handray tananay.

³ Ary tany Tempe izahay omaly hariva, tao amin'ny Assemblée de Dieu, mino aho fa izay ilay izy, tany. Ary—ary nanana fotoana iray nahafinaritra tokoa izahay omaly hariva tany Tempe. Ary nanana fotoana tsara izahay tao amin'ny fiangonana tsirairay izay notsidihanay tany amin'ny faritr'i Phoenix, ary tany Tempe ihany koa. Ary mankasitraka betsaka mihitsy an'ireo zavatra ireo fotsiny izahay, izay zara raha azonay aseho izany.

⁴ Tena mahalana no ananako anjara iray hanao an'izao, ny tonga fotsiny ho an'ny hariva iray ao amin'ny fiangonana tsirairay, ary miresaka amin'ny olona sy ireo rahalahy mpitoriteny. Ary manome ahy fanararaotra kely iray izany mba ho tonga ka haneho ny fankasitrahako an'ireo olona ireo, ireo anaram-piangonana samihafa sy vondron'olona. Satria, izany dia, mpanohana lehibe any amin'ny saha izy ireo, any amin'ireo saha any ivelany sy hatraiza hatraiza, ary tahaka an'izany no ahafahako manana anjara kely iray hanehoana hoe ahoana no tsapako mikasika azy ireo, amin'ny fankasitrahana.

⁵ Ary niaraka tamin'ireo mahaleotena izahay sy ireo.... Mino aho, Fianganan'Andriamanitra, Assemblées, ary ny tsirairay avy; ary, any am-pitan-dranomasina, ny Foursquare, Fianganan'Andriamanitra, Assemblée de Dieu, ary ny Anaran'i Jesosy. Ary, izy rehetra ireo, toy ny hoe anankiray fotsiny izy ireo rehefa tonga miaraka izahay mba banana favoriana tany eo amin'ireo sahan'ady. Ary, fantatrareo, eto an-trano eto dia mety misy hevitra izay mety ho samihafa, fa rehefa

tonga any amin'ireo sahan'ady ilay izy, nahoana, dia tsy misy fahasamihafana amin'izay fotoana izay. Hitanareo?

⁶ Notezaina tao amin'ny fianakaviana betsaka iray aho. Nisy ankizy folo. Ary izahay zazalahy dia nankao amin'ny tokotany tao ambadika, ary niady izahay, oh, oadray. Zazalahy sivy, zazavavy anankiray, ary tena niady marina tokoa izahay. Fa tsy nisy anankiray tsaratsara kokoa namely ny anankiray taminay, teo amin'ny tokotany teo aloha, satria, raha namely anankiray izy ireo, dia nanana an'ireo Branham tonga hatraiza hatraiza. Noho izany dia heveriko fa tahaka an'izany ilay izy amin'ireo zanak'Andriamanitra, ilay Fiangonana.

⁷ Teto taona vitsy lasa izay, tany Houston aho, ary nanana favoriana lehibe iray izahay. Ary tany niaraka... Nanana mpanohana maro aho tany; Rahalahy Raymond Richey, sy—sy ireo Assemblées de Dieu, sy ireo—sy ireo olon'ny Anaran'i Jesosy, ary ireo hafa rehetra. Ary nanana favoriana lehibe iray izahay. Ary tany amin'ilay Music House izahay. Eny, nametraka teo amin'ny valo arivo teo izahay, heveriko.

⁸ Ary nisy ny—mpitoriteny Batista iray izay te-hihaika ahy tao amin'ny adi-hevitra iray, teo amin'ny Baiboly, hoe tsy marina ny fansitranana avy amin'Andriamanitra. Eny, teo amin'izany imbetsaka aho. Nahoana moa no hanary hariva iray eo amin'ny tsi-mpino anankiray, nefo misy an'arivony eo hivavahana, hitanareo? Koa noho izany dia napetrany teo amin'ny gazety izany, hoe natahotra ny hanao an'izany aho.

⁹ Ary Rahalahy Bosworth antitra, io saiky valopolo taona io, hoy izy hoe, “Oh, avelao hataoko ilay izy.”

¹⁰ Dia nieritreritra an'i Kaleba aho, fantatrareo hoe, “Avelao aho haka an'io tendrombohitra io.” Noho izany dia hoy aho hoe, “Rahalahy Bosworth, izaho—tsy tiako hifamaly ianao. Tsy tian'i Kristy isika Kristiana hifamaly amin'ny hafa. Raha tsi-mpino iray ilay lehilahy, nahoana, dia tsi-mpino iray fotsiny izy, izay ihany. Tsy misy na inona na inona azonareo atao ny amin'izany.”

¹¹ Ary noho izany dia hoy izy hoe, “Eny, ahoana moa,” hoy izy, “raha miainga isika, aorian'ny ametrahan’izy ireo an'io ao amin'ny gazety,” hoy izy, “hilaza izy ireo fa isika fotsiny dia andiana, fantatrapo, tsy mahafantatra izay resahantsika, fihetseham-po namboamboarina fotsiny.” Hoy izy hoe, “Maniry aho ny hanomezanao ahy an'ilay fanararaotra.” Ary nojerekoo izy nitsangana teo, saiky valopolo taona, ary mahatoky mihtisy amin'ity Soratra ity.

¹² Hoy aho hoe, “Eny, Rahalahy Bosworth, raha hanome ahy ny tanananao ianao ka hampanantena ahy fa tsy hifamaly.”

¹³ Hoy izy hoe, “Oh, tsy hifamaly aho.” Noho izany dia nidina ny tohatra izy, mba hiteny amin'ilay mpanao gazety.

¹⁴ Ary mazava ho azy, fantatrareo hoe ahoana no ahafahan'ireo gazety mamoaka an'izany, hitanareo. "Hanidina ny volon'ny mpitonundra fivavahana," fantatrareo.

¹⁵ Nahazo an'ilay kianjabe izahay, ilay tany fanaovana hazakazaka, ary nanana teo amin'ny olona telo alina teo izahay tamin'io hariva io. Ary avy eo dia izany no naneho teo, hoe tonga tamin'ireo fiaramanidina ny olona, fiaran-dàlamby. Teneniko aminareo, nitaingina rameva iray trafo, rameva roa trafo, rameva telo trafo izy ireo, saingy nisotro teo amin'io fantsakana izay misy efitra ho antsika rehetra io izy rehetra, ilay iray ihany. Ny zavatra rehetra dia niaraka. Ary izany dia nandeha... Nahazo fitahiana lehibe avy tamin'izany mihitsy aho, ny mieritreritra ankehitriny. Hitanareo, rehefa tonga marina tokoa ny fisintonana mafy, dia nanana zavatra anankiray niombonana izahay, nino ny Fanahy Masina sy ny fanasitranana avy amin'Andriamanitra izahay rehetra. Noho izany dia tonga ny olona rehetra mba hitondra ny anjarany.

¹⁶ Ary noho izany dia fantatsika izay nitranga tamin'io hariva io, ahoana no nifehezan'ny Fanahy Masina. Ary izany dia rehefa nidina ilay Anjelin'ny Tompo. Naka sarin'izany izy ireo. Ary—ary avy eo dia nandeha avy tany izany nankany Washington, DC, ho fanamafisana. Avy eo, taorian'izany, dia nentina ho an'ny fandinihana sy ny karazany izany. Ary George J. Lacy, ilay lehiben'ny FBI, no nanoratra an'ilay—ilay antontan-taratasy teo amin'izany. Ary izy no lehiben'ireo antontan-taratasy misy dian-tànana an'ny—an'ny FBI. "Tena Vatana iray ivelan'ny voajanahary tanteraka tokoa Izzy. Namely an'ireo fitaratra boribory ilay Hazavana. Tsy psykolojia iray Izany." Hoy izy hoe, "Nilaza aho mazàna fa ireo favoriana dia psykolojia, ihany koa. Nihevitra aho fa namaky ny eritrerity ny olona ianao." Hoy izy hoe, "Saingy ny maso mekanikan'ity fakan-tsary ity dia tsy haka psykolojia, Atoa. Branham. Izany no namely an'ireo fitaratra boribory." Hoy izy hoe, "Eto Izany."

¹⁷ Koa, noho izany, nalaina Izany. Izany dia nalaina talohan'io, ary fotoana maro talohan'io. Izao fotsiny, tena mankasitraka aho ny mahafantatra. Maro amin'ny olona eto no efa nahita an'io sary io, sa tsy izany? Ataoko fa, oh, maro aminareo no manana an'izany.

¹⁸ Tena faly aho ny mahafantatra fa na dia ny hetsika Pentekotista ao amin'izao andro farany izao aza no noresahina, fa, teneniko aminareo, amin'ny fandraisana ny tantaran'ny Baiboly...

¹⁹ Vao avy nahavita ny—ny tantaran'ny fiangonana mihitsy aho, tamin'ireo taona roa farany, nanomboka tamin'ny fahafatesan'ilay apostoly farany, Jaona, teo amin'ny nosin'i... rehefa niala tao amin'ny Nosin'i Patmo izy, ary tonga ka—ka namarana ny fanoratana an'ireo Boky ary nametraka Azy

ireo niaraka. Napetraka tany izy satria nalaindy ny Soratr'ireo apostoly ka nanao Baiboly iray avy tamin'Izany. Ary izany no antony nitondrana azy nankany amin'ny Nosin'i Patmo. Rehefa avy nampangotrahana tao anatin'ny menaka nandritry ny indray andro sy alina, ary avy eo dia nametraka azy teo amin'ilay nosy. Ary nanambatra an'ireo Boky miaraka izy. Ary ankoatr'izany, dia nomen'Andriamanitra azy ilay Boky farany an'ny Baiboly, ny Apokalypsy.

²⁰ Ary avy eo dia niverina, nanomboka teo amin'ny tantarany aho teo, ary avy eo teo amin'ny...anankiray amin'ireo mpanaraka azy, Polycarpe, Ignace, ary maro amin'izy ireo, hatrany amin'i Martin, Irénée, Justin, Masindahy Colomba, nitohy hatrany, nankao amin'ilay taona maizina, ary nitety, ary hatrany amin'ilay—ilay Loterana, sy Wesley.

²¹ Ary tonga aho mba hahita fa, hatramin'ireo andron'ny apostoly mihitsy aza, tao amin'ireo asa lehibe rehetra an'ny Fanahy Masina, dia tsy misy amin'izy ireo mihoatra an'ity hetsiky ny Tompo farany ity, eto ao amin'ity andro farany ity. Tsy fantatsika izany, ry sakaiza. Misy ireo zavatra miseho ankehitriny izay afaka manaporofa an'Andriamanitra, tahaka an'io sarin'i—i Kristy io, miaraka amintsika mihitsy, izay tsy nananan'izy ireo fitaovana hanaovana an'izany, tamin'ireo andro ireo. Fa ny olona dia miezaka manatanteraka zavatra ankehitriny, mba hampanalavitra an'Andriamanitra, fa Andriamanitra dia maka an'io zava-bitia iray ihany io ka manaporofa ny Tenany amin'ny alàlan'izany. Noho izany ilay izy fotsiny...Tsy ho lasa alohan'Andriamanitra mihitsy ianareo, satria Izy no faratampon'ny hery, manatrika mandrakariva, tsy manam-petra. Tsy misy fomba hialàna lavitra an'izany. Aoka isika hanetry tena fotsiny ka hanompo Azy, izany no zavatra tsara indrindra izay fantattro hatao.

²² Menatra aho, saingy tsy mino aho hoe fantattro ny anaran'ilay pasitera, ato amin'ny fiangonana. Izaho...[Manonona ny anarany Rahalahy Griffith—Mpand.] Rahalahy Griffith, faly tokoa aho mihaona aminao, rahalahy, sy ny fotoana iray ahatongavana eto sy ity fiombonana ity, ny miaraka aminao, mba...

²³ Tianay foana ny milaza an'ilay izy tahaka an'izany, amin'ireo izay mivahiny ao Sunnyslopes, satria mpivahiny isika eto, vahiny. Manambara isika fa tsy tranontsika ity. Taranak'i Abrahama isika, "Mitady Tanàna iray izay Andriamanitra no Mpanorina sy Mpao."

²⁴ Faritra iray tsara tarehy ity. Tsy mihevitra aho fa misy zavatra iray tahaka azy, izay hany hitako. Ary nanao dia saiky tany amin'ny firenena tsirairay eto amin'izao tontolo izao aho, fa tsy nahita na inona na inona mihitsy tany Eropa, Italie, Azia, na taiza na taiza tany Orient, izay hany mitaha amin'i Phoenix,

Arizona. Ankehitriny, marina izany. Izy no toerana tsara tarehy indrindra izay hany hitako. Fa, oh, hitovy amin'ny lâlankely iray izy, any amin'ny ilan'izay hisy ao amin'io Arivo taona lehibe io. Noho izany isika dia—isika dia . . .

²⁵ Tsy tranontsika ity. Mivahiny eto fotsiny isika, ary tonga isika mba banana an'izao fiombonana miaraka izao.

²⁶ Fitahiana iray ho ahy ny tonga eto ka mahita ny fiangonan'Andriamanitra mandroso, tranobe iray vaovao, sy ny sisa. Hitahy anareo olona hatrany anie Andriamanitra! Aoka hahatoky amin'i Kristy. Mijanòna mahatoky amin'ny pasitera, ary miaraha miasa, ny olona rehetra mifampitantana, satria mino aho fa tsy ho ela ny Fihavian'ny Tompo.

²⁷ Ankehitriny, alohan'ny anatonantsika ny Teny mihitsy, dia ndao isika hanatona an'ilay Mpanoratra amin'ny vavaka, raha manondrika ny lohantsika vetivety isika.

²⁸ Alohan'ny hivavahantsika mihitsy, miaraka amin'ny lohantsika sy ny fontsika miondrika, dia misy fangatahana iray ve eto ho an'ny vavaka, ka hampahafantarinaireo amin'ny tànana mitsangana izany, ary ao am-ponareo mihitsy dia mila zavatra ianareo, ka hanao hoe, "Tompo Jesosy, tsarovy aho"? Mahita ny tànana tsirairay ny Tompo. Azoko antoka.

²⁹ Ry Rainay any An-danitra, tena faly izahay fa afaka miantsio Anao hoe "Ray," ilay Mpamorona lehibe an'ny lanitra sy ny tany, ilay Elohimia lehibe, ilay El-Shaddai, ilay Mpanome-Hery, ilay Mpamelona, ilay Anankiray Ampy Tanteraka. Ary tamin'ny alàlan'Ny Zanakao malalao manokana, dia niteny taminay Izy hoe: raha hanatona Anao izahay, ka hangataka na inona na inona, hampiasa Ny Anarany, dia hahita Izy fa nekena izany. Ary, Ray, mino izahay fa eo ambonin'ny pepetra izany. Raha nangataka zavatra izay ratsy izahay, dia tsy afaka hanana finoana izahay hinoana fa ho voavalý izany. Fa raha afaka mizaha ny fonay izahay izao hariva izao, dia tsy mangataka zavatra izay ratsy izahay, fa izay tsara, izany hoe, dia hamela anay ny amin'ireo fahotana sy helokay Ianao, satria marina tokoa, Tompo, izany ilay zavatra voalohany.

³⁰ Tsy tianay ny hanandrana hiditra ao amin'Ny Fanatrehanao miaraka amin'ny fahotana eo aminay. Noho izany, eo am-pahafantarana fa, isan'andro, ireo olana sy ireo zavatra izay manemitra anay, izay mety tsy voamarika akory aza ao amin'ny fisainanay manokana, fa, rehefa tonga izahay hieritreritra Andriamanitra masina iray, Izay na dia ireo Anjely aza dia maloto eo Imasonry, amin'izay fotoana izay dia fantatray, Tompo, fa tsy manana anjara iray akory aza izahay raha tsy tonga amin'ny alàlan'ny Ràn'i Jesosy Kristy, ary amin'izay fotoana izay izahay vao zanak'Andriamanitra. Tsy jerena ireo fahadisoanay, raha miaiky azy ireny izahay.

³¹ Ary mivavaka aho, izao hariva izao, Ray, mba Hitahianao an'ity fiangonana izay nanangana ny tānany ity. Ianao no mahafantatra an'izay ao ambadiky ny tsirairay avy amin'ireo tānana ireo: ny eritreritra, ny faniriana, sy—sy ny antony ary ny tanjona nananganana. Mivavaka aho mba Hanekenao ny tsirairay avy amin'ny fangatahan'izy ireo.

³² Ary ankehitriny, Ray, dia mivavaka ho an'ity fiangonana ity izahay. Tena faly izahay, fa, ity toerana ity. Rehefa namaky izahay tany aoriana tany tao amin'ireo andro voalohany, izay nisy an'ireo Kristiana tena nankahalaina, hoe tsy afaka nanana fiangonana iray akory aza izy ireo. Hoe, tena mahantra izy ireo, tsy afaka nanorina anankiray izy ireo raha nanao an'izany, ary ny mahita an'izany, na, nanana an'ilay fanararaotra. Ary ankehitriny, androany, mahita rafi-trano lehibe, tsara miakatra, madio, izay misy ny olona, afaka tonga ka manompo an'Andriamanitra. Tena mankasitraka izahay ny amin'izany. Ary ny amin'ny fanatitra izay, ny olona, miaraka amin'ireo ampahafolon-karenany sy ireo fanatiny ary—ary fanampiany, no nanorenany an'ity trano ity ho an'ny Tompo.

³³ Ankehitriny, Andriamanitra Ray, dia mivavaka aho mba Hitahianao ny pasiterany, ireo diakony, ireo mpitantandrahahany, ary ny mambra tsirairay izay tonga eto. Enga anie izy hitombo, sy hitombo, ary hitombo. Ary enga anie, avy amin'ity fiangonana ity, no hanomboka ny fifohazana iray amin'ny fanao fahiny izay hitety ny lohasaha, hatrany sy hatrany. Enga anie hisy famantarana sy fahagagana avy amin'ity fiangonana ity, an'ny fanasitranana, famonjena. Enga anie izy ho tranon-jiro iray ho an'ny firenena rehetra. Ekeo izany, Tompo.

³⁴ Enga anie, avy amin'ity toerana ity, no handeha ireo mpitory teny tsara, lehilahy tanora, ny antson'Andriamanitra ao amin'ny fiainan'izy ireo, mba handeha any amin'ireo sahan'asa, na aiza na aiza hiantsoana azy ireo. Ekeo izany, Tompo.

³⁵ Ary izao hariva izao, raha mivory miaraka izahay, dia enga anie ho tonga ny Fanahy Masina, hiditra ao amin'ny Teny, ary hamboly fotsiny an'ilay Voa ao amin'ny fo tsirairay izay ato. Enga anie izahay hanondraka an'Izany amin'ny finoana, andro aman'alina, mandra-pitombon'Izany ho hazo lehibe ho an'ny voninahitr'Andriamanitra.

³⁶ Sitrano ny olona marary tsirairay, Tompo, izay eto izao hariva izao. Vonjeo ny olona very tsirairay. Ento miverina ireo mpiverin-dàlana rehetra. Ary havaozy sy fenoy indray ireo izay efa nofenoina tany aloha. Ekeo izany, Tompo, fa mangataka an'izany amin'ny Anaran'i Jesosy Kristy, Ny Zanakao izahay. Amena.

³⁷ Ankehitriny, tara kely fotsiny aho, tahaka ny mahazatra. Lavitra kely ilay izy eto izao hariva izao noho izay nantenaiko haha-izy azy.

³⁸ Ary noho izany izahay dia, rahampitso hariva, any amin'ny toerana anankiray. Ataoko fa efa nolazain'izy ireo izany. Ary ankehitriny, raha manana favoriana ianareo any amin'ny fiangonanareo manokana, rahampitso hariva, dia aza tonga. Fa raha tsy manana favoriana ianareo, dia ho faly izahay ny hanana anareo. Tianay hijanona amin'ny toeran'andraikiny foana ny olona, tsy mampaninona. Rehefa misokatra ny fiangonana, dia tokony ho ao amin'ny laharany sy ao amin'ny toerany ny miaramila tsirairay.

³⁹ Ary noho izany dia eto izahay mamangy sy hanana fotoana iray lehibe, mialoha fotsiny an'ilay—ilay favorian'ny Business Men. Ary araka ny efa nolazaiko, dia ho eto Rahalahy Roberts hanokatra ny favoriana, ho an'ny Alakamisy hariva. Ho tena faly isika hihaona amin-dRahalahy Roberts. Ary avy eo dia heveriko, angamba amin'ny Zoma, dia ho eto Rahalahy Velmer Gardner. Tsy fantatro na hiresaka izy amin'io hariva io, na tsia.

⁴⁰ Ary heveriko fa nomena ahy, ny ho any amin'ny Sabotsy maraina, amin'ilay sakafotra maraina. Ary raha izany no sitrapon'Andriamanitra, sy hiresahako amin'ny Sabotsy maraina, dia tiako ny handray ny latenay, raha izany no izy, raha izany no sitrapon'Andriamanitra hoe: *Ilay Lehilahy Ratsy Fanahy Indrindra Izay Hany Nihaonako*. Noho izany, ary—avy avy eo, ny Alahady tolakandro, dia tsy mantsy hiresaka indray aho. Noho izany raha ianareo no... Ankehitriny, ny Sabotsy maraina, dia tsy misy favoriana, araka ny fantatro. Ary ny Alahady tolakandro dia tsy misy favoriana, araka ny fantatro.

⁴¹ Ankehitriny, alohan'ny hanombohako, adinoko fa izaho dia manana... Tsia. Mino aho fa nilaza i Billy fa nizara ny sisa tamin'ireo karatra fangataham-bavaka izy. Marina ve izany? Nisy karatra fangataham-bavaka nozaraina ve eto izao hariva izao? Eny, nizara ny ampanhan'izy ireo izy, tany amin'ilay fiangonana hafa, omaly hariva, satria aho—nihazona ny olona tena ela aho.

⁴² Karazany mitory teny ela aho, adiny enina na valo, zavatra tahaka an'izany, matetika, rehefa voataona aho. Ankehitriny, izaho tsy... Izao hariva izao, dia tsy mikasa hitory teny mihoatra ny antsasak'izany aho. Izao fotsiny... Noho izany dia nihevitra aho fa nizara karatra fangataham-bavaka izahay, ary avy eo isika... afaka handeha hody ianareo amin'ny misasak'alina, na ahoana na ahoana, koa noho izany aorian'ny ananantsika an'ilay laharam-bavaka. Noho izany, raha antsasak'izany fotsiny ilay izy. Ary tsy mahafantatra betsaka aho, saingy mila ela be ilay izy ho ahy mba hitenenana an'izay fantatro. Noho izany,

izay fantattro, tiako ny hiteny azy tena tsara, maka ny fotoako amin'izany fotsiny aho, fantatrareo. Tsara izany. Mamazivazy fotsiny ihany aho eo, satria aho—hiezaka aho ny hamarana, amin'ireo dimy amby efapolo minitra manaraka, na zavatra iray, ho an'ilay laharam-bavaka.

⁴³ Manana Soratra kely, anankiray fotsiny aho eto izao hariva izao izay tiako ho vakiana, ary haka lahateny iray, ka mivavaka aho mba hitahian'Andriamanitra an'izany. Raha tianareo ny hamaky azy rehefa tonga any an-trano ianareo, izany dia ao amin'ny Marka, ny toko faha-10 ary ny andininy faha-28.

Dia nanomboka nilaza taminy i Petera hoe, Indro, izahay efa namela ny rehetra, ka nanaraka anao.

⁴⁴ Ankehitriny, tiako ny haka lahateny iray, hanorenana lohahevitra kely iray eo, hoe: *Mahafoy Ny Rehetra*. Ary avy eo, afaka fotoana fohy, dia hivavaka ho an'ny marary isika. Ary ankehitriny, ianareo izay mahafantatra tsara ny Marka, ny toko faha-10, manao fototra an'izany. Izao fotsiny... Jesosy dia efa niresaka, tany aloha, mikasika ny fisaraham-panambadiana.

⁴⁵ Ary avy eo Izy dia efa nanana zavatra iray tena nanaitra nitranga ihany koa. Nisy lehilahy tanora mpanan-karena iray tonga nihazakazaka nankeo Aminy, ka nanao hoe, “Mpampianatra tsara, inona no azoko hatao mba hananako Fiainana Mandrakizay?”

Dia niteny taminy Izy hoe, “Tandremo ireo lalàna.”

⁴⁶ Hoy ilay lehilahy tanora hoe, “Efa nataoko hatramin’ny fahatanorako izany.” Na, “Didy inona?” Dia Noteneniny taminy hoe inona izy ireo. Ary hoy izy hoe, “Efa nataoko izany.”

⁴⁷ Hoy Izy hoe, “Saingy tsy ampy zavatra anankiray ianao. Raha te-hanana Fiainana Mandrakizay ianao, dia aoka ho tanteraka, noho izany dia amidio izay rehetra anananao ka omeo ny malahelo izany. Ento ny hazo fijalianao ka manaraha Ahy.”

⁴⁸ Ndao isika hanaraka an'io lehilahy tanora io vetivety fotsiny alohan’ny idirantsika amin'ilay lahateny, mba hanome fototra iray.

⁴⁹ Ankehitriny, hitanareo, nangatahina mba hahafoy ny rehetra io lehilahy tanora io, fa nandà ny hanao an'izany izy. Ary matetika rehefa mampihatra ny fanambinana sy harena, sy ny sisika hoe, “fahombiazana,” fa lehilahy tanora nahomby tanteraka ity lehilahy tanora ity nefy mbola tsy nanana Fiainana Mandrakizay foana. Noho izany, matetika, ny fahombiazana dia tsy midika foana fa mitahy Andriamanitra.

⁵⁰ Fa ndao isika hanaraka azy. Mahita azy isika eto ankehitriny ao amin'ny hatanorany, tanora, angamba tsara tarehy iray, tanora, lehilahy tsara akanjo. Nilaza ny Baiboly, fa, “Tia azy Jesosy.” Tsy maintsy nanana fieritretetana mahafinaritra, tsara, malefaka izy. Izy tsy maintsy ho—ho zavatra tena tsara, fa raha

tsy izany dia tsy ho nahazo ny fankasitrahany Tompo Jesosy izy. Satria, rehefa njery azy Jesosy, "Tia azy Izy." Tsy maintsy nanana karazana fanehoana iray izy, ary fijery azy tsara, lehilahy mihaja madio, zazalahy mahitsy tsara. Ary nanatona an'i Jesosy izy, nieritreritra angamba, tamin'ny fahatsorampopo, ka nanao hoe, "Tiako ho fantatra izay azoko hatao mba hananana Fiainana Mandrakizay."

⁵¹ Ary rehefa tsy maintsy namoy an'izay nananany izy, mba hananana Fiainana Mandrakizay, dia tamin'izay fotoana izay no teo am-bavahady ilay fanontaniana, raha afaka hahavita an'ilay izy ianareo. Ary mipetraka eo anoloan'ny tsirairay avy amintsika io fanontaniana io. Ary nangataka azy marina tokoa mba hahafoy an'izay rehetra nananany Jesosy, hitondra ny hazo fijaliany, ary hanaraka Azy. Ary fantatsika ny tantara. "Niala tamin'ny alahelo izy, satria nanana harena betsaka."

⁵² Avy eo dia nitodika Jesosy, ka nanao hoe, "Sarotra toy ny ahoana ho an'ny olona iray manan-karena ny hiditra ao amin'ny Fanjakan'ny Lanitra, tahaka ny rameva iray mandalo ao amin'ny lava-panjaatra. Fa tsy azon'ny olona atao izany, fa," hoy Izy, "tsy misy tsy azo atao amin'Andriamanitra."

⁵³ Ndao isika hanaraka an'ity mpanapaka tanora ity. Ny fotoana manaraka ahitantsika azy, ao amin'ny Baiboly, izy tsy mihitsy... vantany vao nandà an'ilay fanararaotra hanaraka an'i Jesosy izy, nefä nipetraka teo aminy tsara mihitsy ilay izy.

⁵⁴ Hitanareo, te-hifikitra amin'ny zavatra rehetra izay azontsika ifikirana isika, nefä avy eo hanaraka an'i Jesosy. Fa indraindray Jesosy dia mila antsika hamotsotra ny zavatra rehetra, mba hametrahantsika ny tåhana roa eo Aminy. Matetika isika dia mihevitra an'izany, satria fotsiny hoe—hoe mamikitra isika.

⁵⁵ Mampahatsiahy ahy zavatra kely iray izay teneniko mazàna izany, mikasika an'ireo zanako vavy anankiroa. Tsy tena kely izy ireo ankehitriny, ary zazavavy lehibe tsara mihitsy izy ireo. Fa, fony izy ireo mbola kely... Ny iray amin'izy ireo dia Rebekah; izy no zokiny indrindra. Ary, Sarah, izy no kely. Ary manana maso manga i Becky, ary Sarah manana volontany. Saingy izy roa dia samy zanakavavin'i dada, fantatrareo. Ary noho izany dia miandry izy ireo mba hahita ahy tonga ao an-trano, ary tian'izy ireo foana ny hahita ahy. Ary noho izany i Becky dia somary... somary lava, zazavavy karazany mahia. Ary Sarah dia ankizy kely iray, somary fohy, bitika kely.

⁵⁶ Ary noho izany dia niandry ahy ho tonga ao an-trano izy ireo, indray hariva. Tany lavitra aho teo amin'ireo favoriana, ary fantatr'izy ireo fa hody aho, noho izany dia nihevitra izy ireo fa hiandry vetivety fotsiny. Ary raha tonga tao an-trano aho, dia te-hahita ahy izy ireo. Eny, tsy maintsy namafy fasika teo amin'ny

mason'izy ireo ilay mpivarotra fasika, ka natory izy ireo. Ary farany dia nandeha natory izy ireo, tao amin'ny efitrarony.

⁵⁷ Ary nody tara aho. Noho izany dia niditra aho, tena reraka, nandeha natory. Ary aorian'ireo fivoriana, sy ny sisa, dia tena reraka aho ka tsy afaka matory, aorian'ny herinandro vitsy an'ny fivoriana. Ary natory teo amin'adiny roa na telo teo aho, nifoha, nandeha tao amin'ny—tao amin'ny efitra fandraisam-bahiny, ary nipetraka teo amin'ny sezza fotsiny. Nipetraka teo amin'ny sezza aho, vao maraina be ny maraina.

⁵⁸ Ary afaka kelikely, nivadika i Becky, tao amin'ny efitra fatoriany, ka fantany fa mihiratra ny andro. Dia njery teo amin'ny lalantsara izy, ka nahita ahy nipetraka teo amin'ny sezza teo. Niala teo am-pandriany izy, haingana arak'izay vitany, ireo ranjo kely, mahia, lava nahatakatra azy fotsiny.

⁵⁹ Eny, izany—nanaitra an'i Sarah izany. Ary tsy fantattro raha manao an'izany ireo zanakareo, na tsia, fa, oadray, manome zavatra ho an'ilay zokiny indrindra ianareo, dia ilay faharoa no maka an'ilay tonta. Ary nanao ny akanjomandrin'i Rebekah i Sarah, goavana ireo tongotra, fantatrareo, ary goavana loatra ho azy. Ary, izy, niala teo am-pandriany izy, ary nisidina ireo tongotra goavana ireo. Ary zara raha afaka nihazakazaka niaraka tamin'i Rebekah izy.

⁶⁰ Noho izany dia resin'i Rebekah izy nanatona ahy. Dia nitsambikina teo amin'ny lohaliko izy, nanipy an'ireo sandriny roa nanodidina ahy, somary fotsiny... Teo ambonin'ny lohaliko ankavanana izy, ary nahatakatra ny gorodona ireo ranjony lava. Tena nifandanja tsara mihitsy izy.

⁶¹ Somary mampahatsiah y ny sasany amin'ireo rafipandaminana malaza voalohany izany, fantatrareo, izay tonga. Fantatrareo, efa ela izy ireo no teto, somary lava ranjo, sy ny sisa, nifandanja tsara mihitsy.

⁶² Ary indro tonga i Sarah, ilay fiangonana kely, tanora, fantatrareo, izay tsy tena ela. Somary hitany fa Becky no nandresy azy—nandresy azy teo.

⁶³ Noho izany dia nametraka ny sandriny nanodidina ahy i Rebekah. Nijery manodidina izy. Hoy izy hoe, "Sarah, ry rahavaviko, tiako ianao hahafantatra zavatra anankiray." Hoy izy hoe, "Izaho no teto voalohany." Dia hoy izy hoe, "Azoko ny rehetra amin'i dada, ka tsy misy na inona na inona tavela ho anao." (Miezaka miteny an'izany amintsika izy ireo, fantatrareo, isan'andro.) Hoy izy, "Izaho no teto voalohany, ary azoko ny rehetra amin'i dada, ka tsy misy na inona na inona tavela ho anao."

⁶⁴ Nanondrika ny lohany i Sarah kely mampalahelo. Nilatsaka ny molony kely. Nanomboka lasa nandeha izy, ary ireo ranomaso no teo amin'ireo maso volontany goavana. Ary nanankina ny lohany teo amin'ny soroko i Becky, somary namihina ahy.

⁶⁵ Nalaiko ny rantsan-tànako ary natsotrako tahaka an'izao, tamin'i Sarah, ka navoakako ilay ranjo hafa. Indro izy tonga, ary nitsambikina teo amin'ilay ranjo hafa, ary, nahoana, izy—izy—tsy afaka nampifandanja ny tenany izy. Tsy nahakasika ny gorodona ireo ranjo keliny. Fa teo ambonin'ilay ranjo izy, na ahoana na ahoana. Hitanareo? Noho izany dia nivembena teo tahaka an'izao izy.

⁶⁶ Eny, mba hihazonana azy tsy hianjera, dia nalaiko fotsiny ireo sandry roa ary napetrako nanodidina azy izy ireo, tahaka an'izao, mba hihazonana azy. Dia nohazoniko ambony nanakaiky ahy izy, ka napetrany teo amiko vetivety ny loha keliny.

⁶⁷ Nitsangana izy ary nijery an'i Becky, ka nanao hoe, "Ankehitriny, Rebekah, ry rahavaviko," hoy izy, "izaho dia te-hiteny zavatra iray aminao, ihany koa." Hoy izy hoe, "Mety hoe azonao ny rehetra amin'i dada, saingy tiako ho fantatralo fa azon'i dada ny rehetra amiko." Koa marina izany.

⁶⁸ Koa saiky tahaka an'izany no tiantsika. Tsy tiantsika.... Tiantsika ho Izy no manana ny rehetra amintsika. Koa, noho izany, amin'ny rehetra, mba hanaovana an'izany, dia tsy maintsy mandeha eo amin'ny finoana fotsiny isika ary mino Azy, izay ihany, ary matoky fotsiny. Tsy afaka manazava an'izany isika. Tsy misy fomba hanazavana an'izany. Mino an'izany fotsiny isika, ary mandray azy tahaka an'izany.

⁶⁹ Ity lehilahy tanora manan-karena ity, tsy te-hanolotra ny tenany ho an'i Kristy izy, ka noho izany dia lasa izy nandeha. Ary hitantsika izy, taty aoriane, fa izy dia.... Nambininina betsaka izy, hany ka tena feno ny sompiny, hany ka hoy izy hoe, "Ry fanahy, mitsahara ianao." Oh, nambininina izy, ny zavatra rehetra. Tena nanana betsaka izy, tsy nila na inona na inona izy.

⁷⁰ Saingy nisy zavatra niseho. Ny fotoana manaraka nahitantsika azy, dia nanandratra ny masonry tao amin'ny helo izy, ka nahita an'ilay mpangataka avy lavitra teo an-tratran'i Abrahama. Izany dia satria tsy nanaiky ny hamoy ny rehetra izy, mba hanarahana ny Tompo Jesosy.

⁷¹ Avy eo, rehefa niseho izany, ka tsy te-hamoy an'izay nananany ilay mpanapaka tanora, mba hanarahana an'i Jesosy, dia tsy maintsy tonga tao an-tsain'i Petera izany. Mino aho fa izy no nanao an'ilay fanamarihana, na nametraka an'ilay fanontaniana, nampipoitra azy. Ka hoy izy, "Ankehitriny, efa nahafoy ny rehetra izahay, mba hanarahana Anao. Efa nahafoy ny rehetra izahay. Jereo izay nataonay. Nilaozanay ny tokantranonay. Nilaozanay ny fianakavianay. Nilaozanay ny taninay. Nilaozanay ny zavatra rehetra izay nanananay, mba hanarahana Anao."

⁷² Nanomboka tonga tao an-tsainy izany. Angamba efa tena variana loatra tao amin'ny asa izy, nandinika an'i Kristy, sy ny

sisa, hany izy ka . . . Tsy tonga tao an-tsainy mihitsy, hoe nandao ny tokantranony izy. Nandao ny fianakaviany izy. Nandao ny rainy izy, ny reniny. Nandao ny rehetra izay nananany izy, mba hanarahana an'i Jesosy.

⁷³ Fa izany marina tokoa no takian'Andriamanitra: mahafoy ny rehetra ary manaraka Azy. Izany no fitakian'Andriamanitra. Tsy maintsy manao an'izany koa isika. Indraindray dia tsy maintsy mahafoy an'ireo tena eritreritsika mihitsy isika. Raha mifanohitra amin'ny Tenin'Andriamanitra mikasika ny zavatra rehetra ireo eritreritsika, dia tsy maintsy mahafoy ny fisainantsika manokana isika ka manaraka Azy. Ary ny fomba tokana ahafahantsika manaraka Azy dia ny manaraka Ny Teniny, mankatò an'Izany. Ary ny fangatahan'Andriamanitra sy ny fitakian'Andriamanitra dia ny hahafoizantsika ny rehetra ka hanarakaka Azy.

⁷⁴ Fa amin'ny fanaovana an'izany, dia hitantsika, matetika, fa tsy maintsy mahafoy an'ireo sakaizantsika isika. Matetika dia zavatra iray sarotra hatao izany. Ankehitriny, olona maro, rehefa tonga ao amin'i Kristy voalohany izy ireo ka feno ny Fanahy, angamba, tahaka an' ireo vehivavy, efa nanana karazana fety kely izay efa nandehanan'izy ireo, isaky ny *izao-sy-izao* alina, izay nilalaovan'izy ireo bunco tany amin'ny fiaraha-monina. Fantatry ny rehetra amin'ny—ny mpiara-monina, sy ny sisa, ary nikambana tamin'ny fikambanana anankiray tao amin'ny fiaraha-monina, ka mandeha izy ireo, milalao bunco. Ary ireo vehivavy ireo, fantatrareo, dia hilaza zavatra mikasika an'izany. Tsy ho azon'izy ireo izany. Fa, kanefa, tsy maintsy mahafoy an'io zavatra io ianareeo, satria tsy tsara ny miloka, milalao karatra. Ary tsy maintsy mahafoy an'izany ianareeo raha manaraka an'i Kristy.

⁷⁵ Matetika ireo vehivavy, ao amin'ireo fiagonantsika, izay nanao akanjo tsy mendrika taloha, toy ny sorta, sy—sy ireo akanjo fitondra miasa. Nefa hoy ny Baiboly hoe, "Fahavetavetana amin'Andriamanitra, ny vehivavy mitafy an'izany." Izy dia, tsy mampaninona izay eritreretiny, tsy maintsy mahafoy an'izany izy. Matetika isika dia mahita an'ireo vehivavy, rehefa tonga ao amin'ilay Lèlana izy ireo ka voavonjy, nanapaka ny volony izy ireo taloha. Ary te-halaza tahaka ny sisa amin'izao tontolo izao izy ireo. Saingy hitan'izy ireo, fa zavatra sarotra iray izany, satria izy ireo dia hiantso anareo hoe lamaody antitra, na oviana na oviana hiakanjoanareo tahaka ny Kristiana iray, hihetsehanareo tahaka ny Kristiana iray, hiainanareo tahaka ny Kristiana iray. Hiantso anareo hoe lamaody antitra izy ireo, saingy tsy maintsy mahafoy ny rehetra ianareeo, mba hanarahana Azy.

⁷⁶ Nilaza Jesosy, na ny Soratra no milaza hoe, "Izay tia an'izao tontolo izao, na ireo zavatr'izao tontolo izao, dia tsy ao anatiny

akory aza ny fitiavana an'Andriamanitra." Marina. Izany dia mila, mahafoy ny rehetra.

⁷⁷ Eo, rehefa manaiky ny hahafoy ny rehetra ianareo ka hanaraka Azy, amin'izay fotoana izay, "Raha mitoetra ato Amiko ianareo, ka Ny Teniko ao anatinareo, dia afaka mangataka an'izay tianareo ianareo ka hatao ho anareo izany." Fa, tsy afaka ianareo, mahafantatra fa diso ireo zavatra ireo. Fantatrareo fa diso izy ireo.

⁷⁸ Manohitra azy ireny ny Baiboly: filalaovan-karatra, fifohana sigara, fisotroana, fanaovana akanjo tsy mendrika. Nefa, avy eo, dia mihambo ho Kristiana iray. Raha tsy manameloka an'izany io fanahy izay ao anatinareo io, amin'izay fotoana izay dia misy zavatra tsy mety amin'ilay fanahy izay ao anatinareo. Satria, ilay Andriamanitra Izay nanoratra ny Teny dia ny Teny. Ary ny Teny no ao anatinareo, ary Izy no manameloka anareo. Tsy maintsy izany. Ary raha tsy izany, dia voafitaka ianareo. Ahoana no ahafahan'ny Fanahy Masina manoratra zavatra iray, ary mihodina ianareo ka manao zavatra mifanohitra amin'Izany, nefà milaza fa ny Fanahy Masina no mitarika anareo? Tsy afaka manao an'izany ianareo. Noho izany, ny mifoka sigara, misotro whisky, milalao karatra, manapaka volo, manao sorta, ireo zavatra hafa rehetra ireo, dia ratsy, mpanota ratsy, ka tsy ho lasa na aiza na aiza ianareo raha tsy miala amin'izany.

⁷⁹ Mandady miditra mankao amin'ireo hetsika Pentekotista antsika izany. Mbà menatra ianareo. Tokony ho menatra ianareo. Tsy mahagaga raha tsy afaka manana fifohazana manerantany isika. Tsy mahagaga raha tsy afaka manana fifohazana pentekotista iray isika. Nisy zavatra nitranga. Marina izany. Navelantsika nilatsaka ireo fefy, ka niseho ireo zavatra izay tsy tokony hiseho. Noho izany dia tsy maintsy mahafoy ny rehetra ianareo, mba hanarahana an'i Kristy.

⁸⁰ Tsy maintsy mahafoy ny anareo manokana ianareo, ireo hevitrareo manokana. Tsy maintsy mifanaraka amin'Ny Teniny ianareo. Ary ny Fanahy Masina dia tsy mba handà Teny iray mihitsy izay hany Noteneminy. Ary ny Baiboly dia nosoratan'ny Fanahy Masina. Ny Baiboly no niteny an'izany. Ary raha... Ny Tenin'ny Baiboly dia Andriamanitra. "Tamin'ny voalohany ny Teny, ny Teny tao amin'Andriamanitra, ary ny Teny dia Andriamanitra. Ary ny Teny dia tonga nofo ka nonina teo anivontsika."

⁸¹ Ankehitriny dia tonga Fanahy ny Teny, monina ao anatintsika, "Satria homba anareo Aho, ho ao anatinareo mihitsy aza, hatramin'ny fahataperan'izao tontolo izao, ny fahafonganana." Ankehitriny, raha io Andriamanitra iray ihany izay nanoratra ny Baiboly io no ao anatinareo, dia tsy ianareo manokana ianareo, maty ny amin'ireo zavatr'izao tontolo izao ianareo, maty ny amin'ireo eritreritrareo manokana

ianareo, ka “ny saina izay—ny saina izay tao amin’i Kristy no ho ao aminareo.” Eo, amin’izay fotoana izay dia mahafoy ny rehetra ianareo, mba hanarahana Azy. Tsy ireo eritreritrareo manokana; izay Lazainy. “Tsy ny Sitrapoko; ny Anao, Tompo.” Amin’izay fotoana izay dia manomboka milahatra amin’ny Tenin’Andriamanitra ianareo.

Afaka mijanona ela be eo isika, fa handeha haingana lavidavitra kely fotsiny aho.

⁸² “Fa,” hoy ianareo, “inona no azoko amin’izay fotoana izay, mahafoy ny rehetra? Mahafoy ny rehetra, inona no azoko?”

⁸³ Afaka manantena an’izao tontolo izao haneso anareo ianareo. Afaka manantena an’izao tontolo izao hiantso anareo amin’ny anarana mahafa-boninahitra rehetra ianareo. Hiantso anareo amin’ny zavatra rehetra izay azony iantsoana anareo izy ireo. Hohamavoina sy ho lavina ianareo.

⁸⁴ Jesosy, noho Izy Imanoela, Andriamanitra nonina tao Anatiny, izany no nanao Azy ho tena nahatsikaiky tamin’ny Fiangonany manokana hany ka nandroaka Azy ny Fiangonany manokana vantany vao niditra Izy. Izy ireo no hany nanantona Azy teo amin’ny hazo fijaliana. Izy ireo no hany nanameloka Azy. Tiany ny olona. Ny Fony manontolo dia ho an’ny olona. Saingy tsy maintsy nahefoty ny zavatra rehetra Izy, mba hanarahana an’Andriamanitra.

⁸⁵ Ary toy izany koa no tsy maintsy hahafoizantsika ny zavatra rehetra, mba hanarahana an’Andriamanitra.

“Ankehitriny, inona no azoko ho valiny?” Tsy manantena isika . . .

⁸⁶ Isika, matetika, heveriko fa isika mpitoriteny dia manao kely an’ilay izy ho voninkazo betsaka ho an’ilay—ilay niova fo. “Oh, manatôna an’i Kristy, maha-te-ho tia ny zavatra rehetra.” Fa, hitanareo, tsy tahaka an’izany ilay izy, amin’ilay fanao, io filazana io fa fandriam-piadanana misy voninkazo iray ny zavatra rehetra. Satria, tsy misy Kristiana . . .

⁸⁷ Hoy ny Baiboly hoe, “Izay rehetra velona amin’ny toe-panahy araka an’Andriamanitra ao amin’i Kristy Jesosy dia hiharitra fanenjehana.” Noho izany raha—raha tsy miharitra fanenjehana ianareo nohon’ny amin’i Kristy, amin’izay fotoana izay dia misy zavatra tsy mety ao.

⁸⁸ Raha tsy manenjika anareo ny devoly, dia efa azony ianareo. Izay ihany, satria raha mbola manenjika anareo foana izy, dia izany no famantarana iray fa mbola tsy azony ianareo. Fa raha tsy manenjika anareo izy, dia izany no famantarana iray fa efa azony ianareo. Hia. Noho izany dia tsarovy fotsiny, raha mbola manapoaka anareo foana izy, dia mbola manana fitsambikinana vitsy eo alohany ianareo, ka manohiza mandeha fotsiny.

⁸⁹ “Fa izay rehetra velona amin’ny toe-panahy araka an’Andriamanitra ao amin’i Kristy Jesosy dia hiharitra fanenjehana.” Hoy Izy hoe, “Mifalia, ary miravoravoa betsaka, fa toy izany koa no nanenjehan’izy ireo an’ireo mpaminany izay talohanareo.” Marina izany.

⁹⁰ Aza mandeha amin’ny tarehy miondrika, ka manao hoe, “Eny, tsy tokony nataoko ilay izy. Ataoko fa, izy ireo—izy ireo, tsy mahatanty olona miresaka mikasika ahy fotsiny aho, ka milaza fa lamaody antitra aho, izaho dia *ity, itsy, na ny hafa.*”

⁹¹ Oh, ianareo—tokony hiravoravo betsaka ianareo, faly nohon’ny amin’izany, satria afaka mitondra ny latsan’Ny Anarany ianareo. Ary amin’ny fitandremana an’ireo Didiny, dia izany no nahatonga anareo hanao an’izany.

⁹² Fa tiako ny hilaza an’ity, ihany koa. (Ndao haingana, haingana arak’izay vitantsika.) Andriamanitra dia tsy ho, velively, hananan’olona trosa. Tsy hananan’olona trosa Andriamanitra. Raha nataonareo ho an’Andriamanitra izany, nahafoy ny rehetra, dia hamerina aminareo avo arivo heny Andriamanitra. Marina. Hamerina an’izany Andriamanitra. Raha mahafoy an’ireo zavatr’izao tontolo izao ianareo, ary izao tontolo izao, sy ireo zavatr’izao tontolo izao, dia hamerina aminareo imbetsaka mihitsy Andriamanitra.

⁹³ Firy no vavolombelon’izany, eto izao hariva izao? Eny, isika rehetra dia mahafantatra fa hamerina Andriamanitra.

Ankehitriny dia ndao isika haka olona vitsivitsy fotsiny izay nahafoy ny rehetra.

⁹⁴ Ndao alaintsika, voalohany, ilay rain’ny finoana, Abrahama. Nahafoy ny taniny manokana i Abrahama, ny fananana izay azy, sy ny zavatra hafa rehetra. Nantsoina hivoaka avy tao Kaldea izy, ny tanànan’i Ora. Ary nahafoy ny taniny izy, ny tokantranony, ny olony, ary ny rehetra, ka nanaraka an’Andriamanitra. Tsy maintsy nahafoy ny zavatra rehetra izy, namela an’izany tany aoriana. Izy dia nahafoy ny—ny taniny, ny fananany tany Kaldea, tany Ora. Nahafoy ny fananany izy, ka Andriamanitra no nanome azy an’ilay tany nampanantenaina manontolo. Mamerina miaraka amin’ny zana-bola betsaka Andriamanitra. Nomeny izy, tany tamin’io andro io, rehefa nihaona taminy Izy, dia hoy Izy hoe, “Mitsangàna, ry Abrahama. Jereo ny atsinanana, avaratra, andrefana, atsimo, Omeko anao izany rehetra izany, anao izany rehetra izany.”

⁹⁵ Izany ilay olana amin’ireo Kristiana izao hariva izao. Andriamanitra no manome an’izany ho antsika, nefo matahotra ny hitrandraka an’izany isika. Rehefa lasa Kristiana ianareo, dia mpandova ny teny fikasana rehetra ao amin’ny Baiboly. Marina izany. Ny zavatra rehetra izay nampanantenain’Andriamanitra, dia anareo. Izany dia tahaka ny fitehirizan’entana goavana be iray, ka tamin’ny Fanahy iray no nanaovana batisa antsika

rehetra tao amin'io fitehirizan'entana io, dia Kristy. Eny, raha izaho... Raha misy olona manome ahy zavatra iray, dia hijery manodidina aho ka hahita an'izay ananako.

⁹⁶ Heveriko fa izany no tokony hataon'ny Kristiana izao hariva izao. Jereo izay anananareeo. Raha misy zavatra iray izay lasa avo kely, ka tsy mety takatro, dia haka tohatra iray aho ka hihanika eo amin'izany. Ary raha misy zavatra toa tsy takatra kely, ao amin'ny Baiboly, izay nampanantenain'Andriamanitra, dia hijanona eo amin'ny lohaliko aho ka hihanika ny tohatr'i Jakoba mandra-pahatakatro an'izany, satria ahy izany. Andriamanitra no nanome ahy an'izany.

⁹⁷ Raha nampanantaina ao amin'ny Baiboly ny fanasitravana avy amin'Andriamanitra, ka marary aho, dia hijanona eo aho mandra-panomezan'Andriamanitra ahy an'izany, satria teny fikasana iray izany. Nampanantena Andriamanitra fa raha hahafoy an'izao tontolo izao aho, Izy no hanome ahy ny Fanahy Masina, dia hijanona tsara eo aho mandra-Panomezany ahy an'Izany, satria Izy no nampanantena an'izany. Raha Andriamanitra no nampanantena hanome ahy ny fanirian'ny foko, ka ny zavatra marina no fanirian'ny foko, dia hijanona eo aho mandra-panomezan'Andriamanitra ahy an'izany, satria teny fikasana iray izany. Ary nahafoy an'izao tontolo rehetra izao aho. Tiako ny hanaraka Azy, ary Izy no handoa. Fantattro fa marina izany. Marina tokoa izany.

⁹⁸ Inona no nataony? Nahafoy ny taniny izy, ny fireneny. Dia nomen'Andriamanitra azy ilay faritany manontolo, na ny rehetra, ilay kaontinanta manontolon'i... an'i Palestina. Nahafoy ny ampanhan-taniny kely bitika izy tany, angamba iray hektara izay nisy ny tranony, ary ny tranony tranainity, mba handraisana ny zavatra rehetra izay nisy tao Palestina. Tsara.

⁹⁹ Fa ny zavatra voalohany tsy maintsy nataony dia ny nanasaraka ny tenany. Nanasaraka ny tenany tamin'ny olony izy, tamin'ireo malalany rehetra, ireo mpiara-miasa tranainy izay ni-niarahany taloha, ny sakaimy fahazaza izay tonga tany Babylona, niaraka taminy, sy ireo rahalahiny rehetra, anabaviny, ary ny sakaimy rehetra izay fantany, ireo mpiara-miasa aminy. Rehefa niantso azy Andriamanitra, dia hoy Izy hoe, "Saraho amin'ny havanao ny tenanao. Mialà lavitra azy rehetra." Ankehitriny, sarotra izany, saingy nanasaraka ny tenany tamin'ny havany rehetra izy. Nahoana? Satria tsy nety nifanaraka taminy izy ireo.

¹⁰⁰ Azonareeo eritreretina ve fa nifanaraka izy ireo? Lehilahy antitra iray, dimy amby fitopolo taona, miaraka amin'ny vady iray dimy amby enimpolo taona, nanao hoe, "Mba fantatrareo moa? Nihaona tamin'Andriamanitra aho teto ka niteny tamiko Izy fa izaho dia hahazo za-za-zazakely iray ankehitriny, avy amin'i Saraha."

¹⁰¹ Nahoana, izy ireo, ny dokotera sakaizany, dia ho nilaza hoe, “Any ivelan’ny lohany ilay lehilahy antitra.” Fa efa nividy an’ireo paingotra sy lamban-jaza izy, ary ny zavatra hafa rehetra, nivonona ho an’izany, satria fantany fa hahazo an’izany izy. Marina izany. Tsy misy na inona na inona amin’izany. Nahoana? Andriamanitra no nampanantena an’izany. Marina.

¹⁰² Ary raha te-hihomehy azy io andian’olona io ka hihevitra fa lasa any ivelan’ny lohany izy, dia tahaka an’izany no ataon’izy ireo amin’ny mpino rehetra. Ny Taranak’i Abrahama rehetra dia mahazo an’ilay zavatra iray ihany. Marina izany. Indraindray dia handroaka anareo mihitsy aza ny fiangonanareo. Ireo kliobanareo, ireo—ireo toeranareo izay ikambananareo, ireo fiombonanareo ao amin’ny fiaraha-monina, ireo mpiara-miasa aminareo. Matetika dia handao anareo ny sakaizanareo lahy sy sakaizanareo vavy. Fa mitaky aminareo mba hahafoy ny rehetra Andriamanitra, mba hanarahana Azy. Mahafoy ny zavatra rehetra izay mifanohitra Aminy, ka manaraka Azy.

¹⁰³ Ankehitriny, Abrahama, hahafoy ny olony, inona no azony avy amin’izany? Inona no tonga teo ankoatran’izany? Lasa rain’ny firenena maro izy. Andriamanitra no nanao azy ho rain’ny firenena maro. Izay kely nafoiny, avy eo dia jereo hoe lasa inona izy. Hoy Jesosy hoe, “Izay hahafoy . . . Ahy, dia banana ray, reny, sy ny sisa.” Jereo izay azon’i Abrahama, tamin’ny fahafoizana ny rehetra ka nanaraka Azy. Eny, tompoko. “Rain’ny firenena maro.”

¹⁰⁴ Fa, voalohany, tsy maintsy nanasaraka ny tenany tamin’ny tsi-finoana rehetra izy, ary tamin’ny rahalahiny mangatsiaka, matimaty, mambram-piangonana mihitsy aza, Lota. Tsy maintsy hahafoy ny tenany izy, ho an’izany.

¹⁰⁵ Ny zavatra rehetra izay manana tsi-finoana ao anatiny, dia tsy maintsy manasaraka ny tenanareo ianareo; ny zavatra rehetra, raha fanekem-pinoana iray ilay izy, raha ao amin’ny fiangonana iray ianareo, ka izay rehetra iankinanareo dia fanekem-pinoana, sy tsy mino ny Teny, ary raha ny Teny no mifanohitra amin’ny . . . Ny fanekem-pinoana dia mifanohitra amin’ny Teny, dia tsy maintsy hahafoy an’izany ianareo. Tsy maintsy hahafoy ny zavatra rehetra ianareo.

¹⁰⁶ Ary tsy nitahy an’i Abrahama mihitsy Andriamanitra raha tsy nankatò Azy manontolo izy. Te-hitondra ny dadany i Abrahama, ary ilay lehilahy antitra dia lalitra iray tao anaty menaka, isan’andro. Farany, dia maty izy. Avy eo, Lota, nisy fifamaliana sy ny zavatra rehetra. Ary avy eo vantany vao nankatò feno an’Andriamanitra i Abrahama ka nanasaraka ny tenany, ary namela an’i Lota nandeha nidina tany amin’ireo tany tsara, na taiza na taiza tiany naleha, nidina tany Sodoma, tamin’izay fotoana izay vao niseho tamin’i Abrahama

Andriamanitra, ka nanao hoe, "Andrandrao ny masonao. Omeko anao ilay zavatra manontolo."

¹⁰⁷ Abrahama no anankiray izay nisaraka. Izy no anankiray izay nisaraka tamin'ny rehetra, mba hanarahana, mba hanarahana an'Andriamanitra. Ary izy no rain'ny Finoana. Izy no anankiray izay inoantsika ho ilay anankiray mahatoky. "Ny teny fikasana dia natao ho an'i Abrahama sy ny Taranany. Isika izay maty ao amin'i Kristy no taranak'i Abrahama, mpandova miaraka Aminy araka ny teny fikasana."

¹⁰⁸ Nahafoy an'i Egypta i Isiraely. Nahafoy an'ireo tany trrainainy tany Egypta tany izy ireo. Mba hahazo inona? Palestina. Tonga avy tany amin'io toerana mampahatahotra tany Egypta io izy ireo, ireo mpifehy.

¹⁰⁹ Ary misy olona maro androany, ireo vehivavy tanora eto amin'ny lâlambe, mifoka, misotro, tahaka ny hitantsika teto teo amin'ny—teo amin'ny radio, indray andro. Tsy maintsy tonga nisambotra an'io andiam-behvavy tanora tany io ireo polisy, teny an-dàlambe, lasa olon-dia tamin'io fanahin-devoly ratsy io, nitondra azy ireo hanao an'io booglie-wooglie vaovao io, na inona iantsoan'izy ireo an'ilay zavatra, ary teny an-dàlambe, lasa adala tao amin'ny sain'izy ireo. Hitanareo? Marina tokoa, raha manana fahamaotinana iray grama mikasika azy ny ramatoa tanora iray, izy na lehilahy tanora iray, na ny iray, io zavatra io no mpifehy iray izay mitarika azy ireo hanao an'izany.

¹¹⁰ Afoizo izany, dia hanome anareo dihy iray Andriamanitra. Oh, oadray! Azo antoka fa hanome Izy. Hanome anareo anankiray Izy, raha hahafoy an'izany fotsiny ianareo. Fa tsy maintsy mahafoy an'ireo zavatra rehetra ireo ianareo, mba hahazo an'izany. Tsy afaka manohy fotsiny miaraka amin'izy roa ireo ianareo.

¹¹¹ Nahazo an'i Palestina izy, nahazo i Abrahama, na nahazo Isiraely. Nahazo an'i Palestina ho tany iray izy. Nilaozan'izy ireo ilay tany trrainainy tany, ka nahazo an'i Palestina, tany iray tondra-dronono sy tantely. Eny, tompoko.

¹¹² Inona no nilaozan'izy ireo? Nilaozan'izy ireo ilay masoandro mahamay, teo ambanin'ny mpifehy tany Egypta. Inona no azon'izy ireo, nohon'ny nandaozana an'io taramasoandro mafana tany io? Tsy maintsy nandeha tao amin'ny Hazavan'ilay Andry Afo izy ireo. Nandao an'io masoandro mahamay tany io, mba handeha ao amin'ny Hazavan'ny Andry Afon'Andriamanitra. Takalo iray toy ny inona! Tiako ny handray an'io takalo io, ary ianareo? Andry Afo iray. Mandeha ao amin'ny hazavan'ny masoandro ara-boajanahary, izay nitarihana azy ireo teo ambanin'ireo mpifehy, mba hivoaka avy ao ka handeha ao amin'ny Hazavan'Andriamanitra, eo ambanin'ny herin'ny Fanahy Masina, Andry Afo iray izay nitarika azy ireo nankao amin'ny tany nampanantenaina iray.

¹¹³ Ilay zavatra iray ihany androany. Mivoaka avy ao amin'ny hazavan'ity izao tontolo izao ity, ireo zavatra izay avy amin'izao tontolo izao, mba handeha ao amin'ny Hazavan'Andriamanitra. Izany no mitarika anareo hankany amin'ilay tany nampanantenaina.

¹¹⁴ Nandao an'ireo vilanin-tongologasy tranaïn'i Egypta koa izy ireo, vilanin-kena tany Egypta. Inona no azon'izy ireo rehefa nahafoy an'ireo vilanin-kena tranaïny izy ireo? Tsy maintsy nihinana sakafon'Anjely izy ireo. Mana no nidina avy tany andanitra, mba haka ny toeran'ny tongologasy.

¹¹⁵ Ankehitriny, raha tsy mbola nihinana na inona na inona afa-tsylongologasy ianareo, dia mamele ahy hiteny zavatra aminareo, manana Lanitra iray feno Sakafon'Anjely Andriamanitra, mba hamokisana anareo. Marina izany.

¹¹⁶ Sakafon'Anjely, izany no azon'izy ireo raha tokony ho io, raha tokony ho tongologasy tranaïn'i Egypta.

¹¹⁷ Nilaozan'izy ireo ny ranom-potak'i Egypta. Inona no azon'izy ireo tany? Mba hisotro avy amin'ilay Vatolampy izay nokapohina tany an-efitra, ireo ranon'Andriamanitra kristaly madio. Nilaozan'izy ireo ny ranom-potak'i Egypta, ireo ranom-potaka ara-anaram-pianganana tranaïny mivadika ambony ambany.

¹¹⁸ Tahaka an'izany no tsy maintsy ataontsika indraindray amin'izao andro izao. Mandao an'io fanekem-pinoana sy anaram-pianganana tranaïny io, manao hoe, "Efa lasa ireo andron'ny fahagagana. Adala ireo zalahy ireo. Andiana holy-rollers fotsiny izy ireo." Avelao any aorianany io zavatra io, ka tongava eto ary misotroa avy amin'ny Loharano iray feno... nosintonina avy tamin'ny lalan-dràn'Imanoela, izay ilentehan'ireo mpanota ao ambanin'ilay koriana ka mahavery ny pentimpentin'ny fahamelohany rehetra. Eny, tompoko.

¹¹⁹ Ilaozy io ranon'ny fotaka tranaïny io, ny rehetra mifangaro amin'ny fisalasalana, sy fikorontanana, sy adi-hevitra, sy olana, sy ny zavatra hafa rehetra, ary mandeha midina amin'ny andro alina ka manao lasopy sakafotra hariva, ary mampangotraka akoho antitra iray ka mivarotra an'izany dimampolo cents, ny iray vilia, mba handoavana an'ilay mpitoky teny. Nefa, raha nandeha teto ianareo teo ambanin'ireo lalàñ'Andriamanitra, sy ireo didy masin'Andriamanitra, ka mandeha miaraka amin'Andriamanitra, dia handoa ny fahafolon-karenanareo ianareo, ka ho mety tsara ilay mpitoky teny, raha handray ny fomban'Andriamanitra amin'ny fanaovana an'izany fotsiny ianareo. Marina. Ranom-potaka tranaïny; mba hisotro avy amin'ilay Vatolampy.

¹²⁰ Nilaozan'izy ireo moramora ireo mpitsabo mireharehan'i Egypta, manao hoe, "Izahay no lehilahy manan-tsaina indrindra ao amin'izao tontolo izao androany." Nilaozany ireo mpitsabo

mirehareha, mba hiarahana amin'ilay Mpitsabo Lehibe. Amena. Ho tiako ny hahita mpitsabo iray androany hanao tahaka ny nataon'ilay Mpitsabo Lehibe. Tany an-efitra nandritry ny efapolo taona ireo olona ireo, ary nivoaka izy ireo tsy nisy anankiray nalemy teo anivon'izy ireo. Tsy nisy olona iray nalemy teo anivon'izy ireo, nandritry ny efapolo taona. Nisy olona maherin'ny roa tapitrisa no nivoaka tamin'izany fotoana izany. Zazakely firy no teraka isan'alina? Marary firy? Ary izy ireo dia . . .

¹²¹ Ho tiako ny handeha tany amin'i Dr. Mosesy, ka njery tao anatin'ny kitapony, ary hahita hoe karazana taratasim-panafody inona no nomeny azy ireo. Tsy ho tianareo ve ny hahita an'izany? Heveriko fa dokotera betsaka no ho tia hijery an'io taratasim-panafody io. Eny, afaka miteny aminareo aho. Efa namaky an'izany aho. TIANAREO ve ny hitenenako aminareo hoe inona izany? "Izaho no Tompo izay manasitrana ny aretinao rehetra." Izay ihany no nananany. Izay ihany no nilainy, satria nahafoy an'ireo mpitsabo mirehareha izy ireo, mba hiarahana amin'ilay Mpitsabo Lehibe. Eny, tompoko.

¹²² Nahafoy izy ireo tany, ireo olona izay nanao hoe, "Efa lasa ireo andron'ny fahagagana. Tsy misy izany karazana fahagagana izany, tsy misy intsony." Nafoin'izy ireo izany, mba hanaovana inona? Inona no nataon'izy ireo tamin'izany? Mba ho eo amin'ny fanatrehan'izay nitrangan'ireo fahagagana mihitsy, isan'andro. Amena.

¹²³ Ireo olona izay milaza amin'izao andro izao fa tsy misy izany karazana fahagagana izany, dia misy zavatra tsy mety amin'ny sain'izy ireo. Marina izany.

¹²⁴ Niteny tamiko ny olona iray, indray andro, nanao hoe, "Tsy ahoako izay nataonao. Tsy ahoako. Tsy afaka aho, na porofo firy no anananao," hoy izy, "tsy mino an'izany fotsiny aho."

¹²⁵ Hoy aho hoe, "Tsia tokoa. Tsy hahita an'izany mihitsy ianao. Jamba loatra fotsiny ianao mba hahita an'izany." Marina izany. Hoy aho hoe, "Tsy ho an'ireo tsi-mpino izany. Ho an'ireo mpino izany. Ireo mpino no mahita an'izany." Marina izany.

¹²⁶ Hoy ny olona iray tamiko, indray mandeha, nihaona tamiko teny an-dàlambe, nanao hoe, "Diso ianao ao amin'ny Foto-pampianaranao."

Hoy aho hoe, "Izany no Baiboly."

¹²⁷ Hoy izy hoe, "Diso ianao." Hoy izy hoe, "Noho izany, dia manohitra anao aho." Hoy izy, "Noho izany dia asio fahajambana aho. Nanisy fahajambana lehilahy iray i Paoly indray mandeha." Hoy izy, "Asio fahajambana aho."

¹²⁸ Hoy aho hoe, "Izaho—izaho—tsy afaka manao an'izany aho. Efa jamba ianao. Hia. Ianao dia . . . Ahoana no ahafahako hanao an'izay ny rainao, ny devoly, no efa nanao?" Marina izany. "Efa

jamba ianao.” Ny olona iray milaza zavatra tahaka an’izany, dia—dia tena jamba, tsy mahay manavaka ny hazavan’ny andro amin’ny aizina izy. Tsy mahay mamantatra ny elanelan’izy roa izy, ny Fiainana na fahafatesana. Izany no jamba marina tokoa. Eny, tompoko. Eny.

¹²⁹ Niaraka tamin’izy ireo ilay Mpitsabo Lehibe, ka nahita fahagagana nitranga izy ireo. Azo antoka.

¹³⁰ Ireo mpianatra, inona no nafoin’izy ireo? Nanana harato izy ireo, haraton-trondro. Nafoin’izy ireo ny haraton-trondrony, mba handehanana miaraka Aminy, sy hahita an’ireo Famantarany, sy fahagagany, ary ny Heriny, amin’ny maha-Mesia. Ny olona rehetra izay tsy handao andro fanjonoana iray, mba hanaraka an’izany, dia misy zavatra tsy mety ao. Nilaozan’izy ireo ny haratony, feno trondro. Nanomboka nisintona izy ireo, ka nanana fahazoana goavana indrindra izay hany nananan’izy ireo. Ary nafoin’izy ireo ny kely rehetra tamin’izany, mba hanarahana Azy, satria nino tao am-pony izy ireo fa Izy no Mesia. Ary te-hanaraka Azy izy ireo, mba hahita raha hanaraka Azy ireo famantarana amin’ny maha-Mesia. Ary tsy maintsy hitan’izy ireo izany.

¹³¹ Hafoiko ny zavatra rehetra eto amin’izao tontolo izao, tsy ahoako hoe inona izany, mba hahita an’i Jesosy Kristy maneho ny Tenany, indrindra rehefa voaseho eo amin’ny fiainako izany, ka fantatro fa efa tafafindra avy tamin’ny fahafatesana ho amin’ny Fiainana aho, ary fantattro fa Izy no Mesia. Fantattro, amin’ny fandraisana Azy amin’Ny Teniny, fa Izy no namonjy ahy avy tamin’ny fiainam-pahotana. Ary fantattro fa mitoetra ato anatiko ny Fanahy Masina. Mahita an’ireo Famantarany aho, hatraiza hatraiza, manondro, ka fantattro fa Izy no tsy miová omaly, anio, ary mandrakizay. Mahafoy ny rehetra, manaiky ny hahafoy ny zavatra rehetra aho.

¹³² Nikambana tamin’ny rafi-pandaminana tsara iray aho, fiangonana tsara iray, anankiray amin’ny tsara indrindra izay misy ato amin’ny firenena. Fa hoy izy ireo hoe, “Billy, hahavery ny sainao ianao ka ho lasa holy-roller iray.”

¹³³ Teo mihitsy, dia hoy aho hoe, “Afaka maka tsara ny kara-piombonako mihitsy ianareo izao ankehitriny izao, satria hanaraka ny Fanahy Masina aho.” Marina izany. Marina.

¹³⁴ Ary tsy maintsy mahafoy ny zavatra rehetra ianareo, marina izany, mba hanarahana Azy. Fa izay hahafoy ny rehetra, ka hanaraka Azy, dia Andriamanitra no mandoa amin’ny fitahiana be dia be an’ny harena. Tsy misy na inona na inona hampitahaina amin’izany. Eny àry.

¹³⁵ Ankehitriny, nahafoy ny haratony ireo mpianatra, ary ireo haraton-trondro feno trondro, ny asan’izy ireo. Nahafoy ny asany izy ireo, mba hanarahana ny Tompo Jesosy, mba hahita ny Heriny, hahita an’ilay famantarana. Lehilahy niofana ireo

lehilahy ireo. Fantatr'izy ireo hoe inona no nasaina ataon'ny Mesia. Efa namaky izy ireo, tao amin'ny Baiboly. Azon'izy ireo tsara hoe inona no hataon'ny Mesia. Fantatr'izy ireo hoe izany no fotoana hitrangan'ilay izy. Ary rehefa nahita an'io Lehilahy io niseho teo amin'ny sehatra izy ireo, Izay nifanaraka tamin'ilay sary, tamin'izay fotoana izay dia vonona ny hahafoy ny zavatra rehetra izy ireo, mba hihaino an'izay tsy maintsy Nolazainy. Satria, raha izany no Mesia, amin'izay fotoana izay dia izany no Fiainana ho azy ireo, satria efa nasaina hanaraka Azy izy ireo. Noho izany dia naahafoy ny zavatra rehetra izy ireo.

¹³⁶ Toy izany koa ilay izy amin'izao andro izao, raha *Ity* no marina, raha ity Hafatry ny batisan'ny Fanahy Masina amin'izao andro farany izao ity, izay Nilazany fa handatsaka ny loha sy ny fara-orana eo amintsika Izy. Raha marina ireo zavatra ireo, dia mendrika ny hahafoizana ny zavatra rehetra Izany. Manaraha an'Izany.

¹³⁷ Hoy Jesosy hoe, “Izao famantarana izao no hanaraka an'ireo izay mino. Izay mino Ahy, na dia maty aza izy, dia mbola ho velona. Ary na iza na iza velona ka mino Ahy dia tsy ho faty intsony. Izay mino Ahy, ireo asa izay Ataoko no hataony koa.” Marina.

¹³⁸ “Mandehana ianareo mankany amin'izao tontolo rehetra izao, amin'ny olombelona rehetra. Izao famantarana izao no hanaraka an'ireo izay mino. Handroaka devoly amin'Ny Anarako izy ireo, hiteny amin'ny fiteny vaovao, handray menarana. Misotro zava-mahafaty izy ireo, fa tsy hampaninona azy ireo izany. Raha mametraka ny tànany amin'ny marary izy ireo, dia ho sitrana ireny.” Izany no Nolazainy.

¹³⁹ “Tahaka ny nanirahan’ny Ray Ahy, dia toy izany koa no Anirahako anareo.” Ilay Ray izay naniraka an’ilay Zanaka, dia nandeha niaraka tamin'ilay Zanaka, ary tao anatin'ilay Zanaka. Ilay Jesosy izay maniraka lehilahy iray, dia mandeha miaraka aminy, ary ao anatiny, mba hanatanteraka sy hanao an'ireo asa iray ihany. “Indro, Izaho momba anareo isan'andro, hatramin’ny fahataperan’izao tontolo izao mihitsy aza. Ary ireo asa izay Ataoko no hataonareo koa.”

¹⁴⁰ Rahalahy, raha tsy izany no tsaratsara kokoa noho ireo fanekem-pinoana sy ny karazan-javatr'izao tontolo izao, sy fikambanana amin'ny anankiray hafa eo izay mandà an'Ity rehetra ity! Nahoana, heveriko fa isika no tokony ho olona sambatra indrindra eto amin'izao tontolo izao, mahita an'ilay Andriamanitra velona mihetsika manodidina antsika tahaka an'izao; mahafantatra fa naahafoy ny rehetra isika, mba hanarahana Azy. Amena. Manao ahy hahatsapa ho mpivavaka izany. Mahafoy ny rehetra, mba hanarahana ny Tompo Jesosy. Mitovy amin'izao andro izao, tsy maintsy mahafoy ny rehetra

ianareo. Tahaka ny nataon'izy ireo tany aoriana tany mihitsy, no tsy maintsy hataonareo, ihany koa.

¹⁴¹ Ankehitriny, miresaka ny amin'ny olona iray mahafoy zavatra ianareo, ndao jerentsika hoe inona, ho an'i Jesosy, no nafoin'i Jesosy ho antsika. Nandao ny zavatra rehetra Jesosy. Nanana trano iray Izy tany An-danitra. Ary Nilaozany ny Tranony tany An-danitra, ka tonga teto an-tany, nefà tsy nanana toerana iray hametrahana ny Lohany akory aza. Marina izany. Lasa tena ambany Izy, hany Izy ka tsy ak-... tena nahantara, hany ka tsy nanana fandriana iray hatoriana akory aza Izy. Hoy Izy hoe, "Ireo amboadia manana lavaka, ary ireo vorona manana habakabaka... an'ny habakabaka, manana akany, fa ny Zanak'olona dia tsy manana toerana iray hametrahana ny Lohany akory aza." Hitanareo? Fa inona no Azony tamin'izany? Nakarina tena avo Izy hany ka tsy maintsy miondrika Izy mba hijery ny lanitra.

¹⁴² Tonga teto amin'izao tontolo izao Izy, nandray an'ilay anarana ambany indrindra izay azo raisina eto amin'izao tontolo izao. Izy no nanana ny anarana ambany indrindra, nandray an'ilay anarana ambany indrindra, nantsoina hoe Belzeboba. Belzeboba dia ny... Rehefa nahita Azy namantatra an'ireo fanahy teo tahaka an'izany izy ireo, dia hoy izy ireo hoe, "Mpanao hatsarana iray Izy. Belzeboba Izy, devoly iray." Fanaovana hatsarana dia devoly iray. Ary niantso Azy ho devoly iray izy ireo, ilay ambany indrindra amin'ny rehetra. Nanana an'ilay anarana ambany indrindra Izy.

¹⁴³ Nandeha tany amin'ilay tanàna ambany indrindra Izy. Ary ilay lehilahy kely indrindra tao amin'ny tanàna dia njery niondrika teo an-Tampony; Zakaisy, izany dia—marina izany, tao Jeriko. Tena ambany, azo antoka njery izy. Izy no nanana an'ilay anarana ambany indrindra izay nisy teto an-tany. Tonga teto amin'izao tontolo izao Izy niaraka tamin'ny "tsy ara-dalàna," no niantsoan'izy ireo Azy, satria mino marina tokoa izy ireo fa teraka tany ivelan'ny voadim-panambadiana masina ilay Zazakely. Nanana an'izany ho toherina Izy, teo am-panombohana. Avy eo dia nantsoina tamin'ny anarana hoe Belzeboba, ilay ambany indrindra izay azo ananana. Nahafoy ny Toeran-daniny Izy, ka tonga mba handray an'izany.

¹⁴⁴ Fa Andriamanitra nanome Azy Anarana iray ambonin'ny anarana rehetra izay tononina any An-danitra, ny anarana rehetra izay tononina eto an-tany, hany ka ny fianakaviana manontolo any An-danitra sy eto an-tany dia antsoina amin'ny anaran'ny Tompo Jesosy. Haleloia! Izay ilay izy. Nahafoy Izy; novalian-tsoa Izy. Azo antoka, izany Izy. Eny àry.

¹⁴⁵ Tonga teto an-tany Izy, Mpamorona ny lanitra sy ny tany, nefà tsy nanana na inona na inona ho hanina Izy. Naka fanahy

Azy i Satana, nifady hanina ho antsika, fa nahazo sakafo izay tsy misy na inona na inona fantatr'ireo hafa Izy.

Izy no niteny an'izany indray andro. "Manana hanina Aho."

Hoy izy ireo, "Nahoana no tsy avy Ianao, hihinana?"

¹⁴⁶ Hoy Izy hoe, "Manana Hanina izay tsy fantatrareo Aho." Marina izany. Nanana Hanina izay tsy nisy na inona inona fantatr'izy ireo Izy.

¹⁴⁷ Teto an-tany, tsy nanana fialofana Izy, hoy izy ireo, tsy nanana toerana, tsy nanana trano, tsy nanana na inona na inona ho Azy. Fa mba fantatrareo moa? Lasa Fialofana iray ho an'ny tsirairay avy amintsika Izy. Andriamanitra no nanao Azy ho Fialofana iray, ho an'ilay taranak'olombelona manontolo. Tsy nanana fialofana ho Azy manokana Izy, saingy Izy no Fialofantsika.

¹⁴⁸ Efa niresaka betsaka mikasika an'ireo trano fialofana izy ireo. Oh, oadray! Manana anankiray isika. Marina izany. Ireo trano fialofana, miditra ao anatin'ny lavaka iray ao anatin'ny tany. Ary miteny amiko izy ireo hoe, "Hidòna sy hanapoaka lavaka iray ao anatin'ny tany ireo baomba ireo, ho dimampolo amby zato dian-tongotra ny halaliny, zato maily mahery toradrao." Nahoana, hanapaka ny taolana rehetra ao anatinareo izany, raha antsasa-maily no halalina misy anareo ao anatin'ny tany. Azo antoka, hanapaka izany, na aiza na aiza. Fa manana Fialofana iray isika. Kristy no Fialofantsika. Amena.

¹⁴⁹ Tahaka ny nolazaiko indray hariva, izy ireo dia efa, Rosia dia efa nirehareha tamin'ny fireharehany lehibe, ny toerany hoe, "Izahay no nametraka lehilahy iray teny amin'ny habakabaka, voalahany."

¹⁵⁰ Manohitra an'izany aho. Efa nanana Anankiray teny amin'ny habakabaka isika nandrity ny roa arivo taona. Amena. Marina. Eny, tomponko. Mpanelanelana iray, eny, tomponko, izay miditra any An-danitra ary miverina, ao anatin'ny... tahaka ny ampahan-tsegondra iray fotsiny. Azo antoka. Manana Lehilahy eny amin'ny habakabaka isika. Tsy manana na inona na inona izy ireo. Eny, tomponko. Marina. Eny àry. Hitantsika fa Izy dia tsy nanana... Tsy maintsy lasa Fialofana iray ho antsika rehetra Izy.

¹⁵¹ Nilaozany ny maha-Zanaka Azy, teo Aminy sy ny Ray, mba ho tonga fahotana ho antsika. Efa fantatrareo ve izany? "Tsy nahalala fahotana Izy; lasa fahotana ho antsika. Napetraka teo Aminy ireo fahotantsika." Nilaozany ny maha-Zanaka, mba ho lasa fahotana, ankehitriny dia afaka manao an'ireo mpanota ho zanaka Izy. Amena. Izany ilay ampahany tsara: maka an'ireo mpanota ka manao zanaka, rehefa Nilaozany ny maha-Zanaka Azy mba ho lasa fahotana, ankehitriny dia maka an'ireo mpanota Izy ka manao zanaka avy amin'izy ireo. Amena. Tombontsoa iray toy ny inona! Eny, tomponko.

¹⁵² Tsy hambaniana amin'ny inona na inona Andriamanitra. Tsia, tompoko. Tsy afaka manao an'izany ianareo, satria mijery an'izany Andriamanitra. Lasa fanatitra ho an'ny ota Ny Zanany, mba Ahafahany hividy ankehitriny, maka mpanota ka manao zanak'Andriamanitra avy amin'izy ireo. Zavatra iray tsara tarehy toy ny inona izany. Hia!

¹⁵³ Ankehitriny, eny, tompoko, Izzy—Nomeny ny Heriny. Lasa naлемy Izzy, mba Ahafahany ho lasa herintsika. Izzy no Herintsika ampy tanteraka. Tsy mila hery hafa isika afa-tsy ny herin'ny Tompo Jesosy. "Izzy no Heriko isan'andro isan'andro. Raha tsy misy Azy dia ho lavo aho," hoy ilay poetry. Mahafinaritra toy ny ahoana!

¹⁵⁴ Izay afoinareo; izay raisinareo, ho an'izay hany nafoinareo! Oadray! Afoizo izao tontolo izao. Afoizo ireo hevitrareo manokana. Afoizo ireo fisalasalanareo. Afoizo ireo fikorontananareo. Afoizo izany, ka raiso Izzy. Minoa Azy.

¹⁵⁵ Hoy ianareo, "Ankehitriny, marina ve izany? Efa lasa ve ireo andron'ny fahagagana?" Afoizo izany karazana hevitra izany. Minoa an'izany.

¹⁵⁶ Hoy ny olona iray hoe, "Mpanasitrana marina tokoa ve Jesosy, sa izany fotsiny dia—dia andiana fanamboamboarana ara-tsaina izay ananan'ireo olona ireo?" Afoizo fotsiny izany eritreritra izany, indray mandeha.

¹⁵⁷ "Ankehitriny, ahoana no ahafantaranareo raha ho marina izany na tsia?" Teny fikasana iray izany. Tahaka an'izany no ahafantaranareo.

¹⁵⁸ Hoy ianareo hoe, "Oh, mino aho fa ny Fanahy Masina dia ho an'ireo olona tany aorianana tany, fotoana ela lasa izany, ho an'ireo mpianatra irery fotsiny ihany." Oh, tsy mety hisy izany. Noho izany, raha izany no izy, dia manohitra ny tenany ny Baiboly.

¹⁵⁹ Nilaza i Petera, tamin'ny Andron'ny Pentekosta hoe, "Mibebaha, ary aoka ny tsirairay avy aminareo hatao batisa amin'ny Anaran'i Jesosy Kristy ho an'ny famelàna ny fahotana, ary ianareo handray ny fanomezan'ny Fanahy Masina. Fa ny teny fikasana dia ho anareo, ho an'ny zanakareo, ary ho an'ireo izay lavitra, arak'izay hantsoin'ny Tompo Andriamanitsika." Noho izany dia ny teny fikasan'Andriamanitra, no ahafahantsika, arak'izay antsoin'Andriamanitra ho amin'ny Fanahy Masina, manana zò ho tonga ianareo. Afoizo fotsiny ireo hevitrareo mikasika an'Izany, ka raiso ny Tenin'Andriamanitra voalahatra ho an'izany.

¹⁶⁰ Hoy ianareo hoe, "Misy ve ny zavatra tahaka an'izany, hoe afaka miteny amin'ny fiteny tsy fantatra ny olona, sa fahadalana iray fotsiny izany, sa fitenitenenam-poana iray no nataon'izy ireo?" Afoizo fotsiny ny hevitrareo manokana.

¹⁶¹ Izao no nolazain'i Jesosy, "Izao famantarana izao no hanaraka an'ireo izay mino. Hiteny amin'ny fiteny vaovao izy ireo." Ny Baiboly no niteny an'izany. Eny, tompoko.

¹⁶² "Rahalahy, mety ireo famantarana izay hitako ao amin'ireo—ao amin'ireo favoriana ireo, mety ho Andriamanitra ve izany?" Izany tokoa, mety. "Eny, nahita olona izay niaina tamin'ny karazam-piaianana rehetra aho, nefà nandeha ka nivavaka ho an'ny marary, ary salama izy ireo. Izaho . . ."

¹⁶³ Hoy Jesosy hoe, "Tsy misy olona afaka manao fahagagana amin'Ny Anarako, ka afaka miteny ratsy ny Amiko avy hatrany." Marina izany.

¹⁶⁴ Raha diso ilay olona, maka fanomezampahasoavan'Andriamanitra iray ka manao zavatra diso, dia Andriamanitra no hifanaraka aminy. Fa Andriamanitra izany, na izany aza. Azo antoka, izany ilay izy. Satria mphiatsaravelatsihy izy, dia tokony hanao anareo hamiratra tsara izany. Ianareo tsy afaka hanana ny . . . Ny fomba tokana ahafahanareo hanana ny tena . . . Ny—ny dolara sandoka iray, tsy maintsy vita avy tamin'ny anankiray tena izy izany.

¹⁶⁵ Ary hoy ny olona rehetra hoe, "Tsy mandeha any am-piangonana aho. Tsy te-handeha any am-piangonana aho. Misy mphiatsaravelatsihy maro loatra any." Nahoana, kely kokoa noho izy ireo ianareo. Miezaka mifaina ao ambadik'izy ireo ianareo. Raha afaka mijanona ao ambadik'izy ireo ianareo, dia kely kokoa noho izy ireo. Marina izany.

¹⁶⁶ Namaky lahatsoratra kely iray tao amin'ny gazety aho indray andro, izay nisy lehilahy antitra iray . . . Izy dia sady marenina, jamba, ary moana, ary nandeha nankao amin'ny sekoly Alahady izy isaky ny Alahady. Dia nanontany azy izy ireo, tamin'ny alalàn'ny braille, nanao hoe, "Nahoana ianao no mandeha any am-piangonana? Tsy afaka mandre an'izay nolazain'ilay mpitoky teny ianao. Tsy afaka mandre ny iray amin'ireo hira ianao. Nahoana ianao no mandeha any am-piangonana?"

¹⁶⁷ Dia hoy izy hoe, "Tiako fotsiny ny hamela ny olona rehetra hahafantatra hoe lafiny inona no misy ahy." Te-hamela ny devoly sy ny olona rehetra fotsiny hahafantatra hoe lafiny inona no misy azy. Heveriko fa tsara izany. Eny, tompoko.

¹⁶⁸ Inona koa no nataon'i Jesosy? Nanome Izy ary nahafoy Ny Ainy manokana. Nomeny Ny Ainy, mba hamonjy ny anareo sy ny ahy. Satria dia Izy—dia nanome Ny Ainy Izy . . . Tsy voatery nanolotra an'izany Izy. Nataony an-tsitraro izany. Tsy voatery hanao an'izany Izy, saingy Nataony an-tsitraro izany, satria afaka namonjy anareo Izy. Ary ankehitriny dia Izy irery ihany no hany tokana izay afaka mamonjy anareo. Tsy misy na inona na inona hafa afaka hamonjy anareo.

¹⁶⁹ Fantattro fa misy anaram-pianganana iray izay milaza fa mamonjy anareo ny anaram-pianganan'izy ireo. “Voavonjin’ny fianganana ianareo.”

¹⁷⁰ Voavonjin'i Jesosy Kristy ianareo raha tsy izany dia very. Eny, tompoke. Tsy misy na inona na inona azonareo atao, tsy misy zavatra anankiray azonareo atao, afa-tsy ny mibebaka ny amin'ny fahotanareo fotsiny ihany. Jesosy Kristy no Mpamony. Eny, tompoke. Izy no nanome, Izy no nanome ny Ainy ho anareo.

¹⁷¹ Ankehitriny, heveriko fa, androany... Raha mamarana isika, dia mety hilaza an'izao isika. Hoe, mety amintsika, arak'izany, ny manolotra ny fiainantsika sy ny antsika rehetra, ka mahafoy ny zavatra rehetra izay an'izao tontolo izao, ny zavatra rehetra izay tsy masina, ny tsi-finoantsika rehetra, ary ny zavatra rehetra, mba ahavitana hanaraka Azy tahaka ny nataon'ireo mpianatra. Tsy ho tianareo ve ny hanao an'izany? Manaraka Azy, ho an'ny inona? Mba hahita an'ireo Famantarany lehibe an'Ny Fihaviany.

¹⁷² Ankehitriny, tsarovy, ny Baiboly dia mampanantena, fa, amin'izao andro farany izao, amin'ny fiafaran'ny fotoana mihitsy, dia hisy Hazavana Kristiana iray hafa hiseho. “Ho tonga miaraka ny loha sy fara-orana.” Hoy ny mpaminany hoe, “Hisy Hazavana amin'ny andro hariva. Hisy andro iray izay tsy azo antsoina hoe andro na alina.”

¹⁷³ Karazana andro inona izany? Karazana andro manorana, manjavozavo, manjombona. Mamiratra mihitsy ny masoandro, azo antoka, any ambony lavitr'ireo zavona sy rahona dia misy masoandro iray mamiratra. Ary amin'ny alàlan'io, io zavona rehetra io, dia mbola manome hazavana izy, mba ahafahanareo mandeha, hahita hoe ahoana no hihetsehana.

¹⁷⁴ Izany no nananantsika nandritry ny taona sy taona, nandritry ny roa arivo taona. Hitanareo? Nandeha tamin'ny finoana isika, ary nieritreritra isika hoe, “Eny, mety tsara izany. Ah-hah. Mino isika, ary mikambana amin'ny fianganana isika, ka nametraka ny anarantsika eo amin'ny boky. Ary mety tsara izany. Mino isika. Tsy mahita an'ireo zavatra ireo tahaka ny Nataony tany aorianana tamin'ireo andro ireo isika, tany aorianana tany.” Hoy izy ireo hoe, “Efa tapitra izany rehetra izany. Tany aorianana izany.” Ary efa tahaka an'izany ilay izy nandritry—nandritry ny an-jatony sy an-jatony ary an-jatony taona, andro iray manjombona fotsiny.

Saingy hoy Izy hoe, “Amin'ny andro hariva, dia hisy Hazavana.”

¹⁷⁵ Ankehitriny, ilay masoandro iray ihany izay miposaka any Atsinanana no ilay masoandro iray ihany izay milentika any Andrefana. Ilay Jesosy iray ihany izay... nandatsaka Ny Fanahiny tany Atsinanana, teo amin'ireo olona ireo, no ilay Jesosy iray ihany izay amin'izao andro farany izao, mandatsaka

Ny Fanahiny, ary eo amin'ireo olona Tandrefana izany. Izy no nampanantena an'izany.

¹⁷⁶ Nanao teny fikasana iray Izy. Hoy Izy hoe, “Tahaka ny tamin’ny andron’i Lota, dia ho toy izany koa amin’ny fihavian’ny Zanak’olona.”

¹⁷⁷ Ahoana fa naneho ny Tenany tao amin’ny vatan’olombelona iray Andriamanitra, nipetraka tany ary nihinana niaraka tamin’i Abrahama, niaraka tamin’ny Lamosiny nitodika nankany amin’ny tranolay, ka niteny tamin’i Saraha an’izay noeritreretiny, tao anatin’ny tranolay. Niteny tamin’i Abrahama hoe iza no anarany, ary iza no anaran’i Saraha, ary ahoana fa hamangy azy ireo Izy. Ary tsy nino an’izany i Saraha, ka nihomehy, tao anatin’ny tranolay. Dia hoy ilay Anjely hoe, “Nahoana no nihomehy i Saraha?” Tao anatin’ny tranolay, taorian’ilay Lehilahy.

¹⁷⁸ Hoy Jesosy hoe, “Tahaka ny tamin’izany andro izany, dia ho toy izany koa amin’ny fihavian’ny Zanak’olona.”

¹⁷⁹ Araka ny nolazaiko mazàna, nolazaiko omaly hariva, dia tiako ny hanonona an’izany indray. Misy kilasin’olona telo foana, isan’andro, tahaka ny olon’i Hama, Sema, ary Jafeta, ireo zanakalahy telo an’i Noa. Hatramin’izay mihitsy, dia misy—misy kilasin’olona telo. Ankehitriny dia manakilasy azy ireo tahaka an’izao isika: tsi-mpino, mody-mpino, ary mpino. Ankehitriny dia tahaka an’izany no ilaharany. Nanao an’ilay zavatra iray ihany izany tany. Hoy Jesosy hoe, “Tahaka ny tamin’ny andron’i Sodoma, dia ho toy izany koa ny amin’ity.”

¹⁸⁰ Abrahama, izay nahaftoy ny rehetra, mba hanarahana, ankehitriny dia ity ilay izy, eto mihitsy. Nihazona an’io teny fikasana io nandritry ny taona sy taona izy, dimy amby roapolo taona. Indro izy, zato taona ankehitriny. Ary any an-tsaha izy. Miha-mahia ny biby fiompiny, ary tsy misy rano. Ary, Lota, niaina nirentirenty tany niaraka tamin’ireo zavatra rehetra izay nilainy. Ary teo i Saraha, ilay vehivavy tsara tarehy indrindra tao amin’ny firenena fahiny, ary, indro izy ankehitriny, karazan’ny voaendaka.

¹⁸¹ Ary Rtoa. Lota angamba dia nanana an’ireo taovolo vaovao noleman-drano tamin’izany, fantatrateo, ary io karazan-javatra rehetra io. Niaina nirentirenty mihitsy izy tany. Izy no vadin’ny ben’ny tanàna, ary nikambana tamin’ny fiangonana iray izay fiangonana malaza izy. Eny, tompoko. Ary tsy isalasalana fa nanana ny fikbananay rehetra izy. Tsy te-hiaina an’izany mihitsy izy, handao an’izany, hany ka nanohy nitodika tany aoriana mihitsy aza izy. Ary nivadika ho andrin-tsira iray izy satria tia an’izao tontolo izao tsara kokoa noho ny nitiavany hankatò ny feon’io Anjely io.

¹⁸² Ankehitriny dia mariho ireo kilasy telo. Ireo tsi-mpino, ireo Sodomita, ilay mambram-piangonana tapany fotsiny, matimaty,

dia i Lota. Fa ilay fiangonana voafidy, nantsoina hivoaka dia i Abrahama sy ny vondrony. Oviana, ireo Anjely ireo, taiza no nahatongavan’Izy ireo? Tamin’i Abrahama sy ny vondrony. Marina. Nandeha nidina izy ireo, nandeha nidina tany ny roa tamin’izy ireo, tahaka an’ireo evanjelista moderina.

¹⁸³ Manana evanjelista malaza isika izay—izay mandeha any amin’ny fiangonana ara-anaram-piangonana amin’izao andro izao. Ny anankiray amin’ireo lehilahy malaza indrindra ato amin’ny firenena, izay fantatsika, dia Billy Graham. Ary manapoaka marina tokoa ny Filazantsara amin’ireo olona any ireo izy, miantso azy ireo hivoaka hoe, “Mivoaha avy ao Sodoma.”

¹⁸⁴ Isika tsy mila mihorakoraka hoe “Mivoaha avy ao Sodoma,” amin’ity Fiangonana ity. Tokony hivoaka izy, efa. Raha nantsoin’ny Fanahy Masina izy, dia efa nandao an’i Sodoma, efa ela be. Marina izany. Nahafoy an’i Sodoma izy. Miaina eto izy, amin’ny alàlan’ny Tenany, marina tokoa, nisaraka. Ny tena tenty hoe *fiangonana* dia midika hoe “nantsoina hivoaka, nisaraka.” Ary efa nisaraka ianareo, ny . . .

¹⁸⁵ “Mivoaha avy eo anivon’izy ireo. Aza mikasika an’ireo zavany tsy madio.” Raha tsy nanao an’izany ianareo, dia ao Sodoma; mambram-piangonana iray ianareo, matimaty. Noho izany dia tokony hanasaraka ny tenanareo ianareo, ka miala lavitra an’ireo zavatr’izao tontolo izao, sy mivoaka, ary miaina madio sy masina, mandeha ao amin’ireo didin’Andriamanitra.

¹⁸⁶ Tsarovy, roa tamin’ireo Anjely ireo no nandeha tany. Tsy nanao fahagagana maro izy ireo. Fahagagana anankiray ihany no nataon’izy ireo, dia namely ny olona tamin’ny fahajambana rehefa nanatona azy ireo izy ireo.

¹⁸⁷ Eny, izany marina tokoa no ataon’ny fitoriana ny Teny, mameley ny olona amin’ny fahajambana. Ary ireo evanjelista malaza ireo androany, izay fantatsika, maro amin’izy ireo no mitsidika an’i Phoenix eto. Ary—ary evanjelista malaza avy any . . . izay nivoaka nankany amin’ny saha, tsy manao fahagagana sy ny sisa, saingy manajamba tanteraka an’ireo tsimpino izy ireo, ireo Sodomita, amin’ny fitoriana ny Teny, hoe, “Jesosy Kristy no Zanak’Andriamanitra.”

¹⁸⁸ Fa, avy eo, dia indro ilay Fiangonana ara-panahy; tsy ilay fiangonana ara-boajanahary, na ilay Sodomita. Fa ilay Fiangonana ara-panahy, izay mino an’Andriamanitra, efa novangian’Andriamanitra, tahaka an’i Abrahama, hatramin’izay. Abrahama dia tandindona tanteraka an’ny Taranak’i Abrahama manaraka azy, ao amin’ilay Fiangonana, “Vahoaka iray avy amin’ny Jentilisa, ho an’Ny Anarany,” ilay Taranaka mpanjaka, araka ny notoriako tamin’ny Alahady. Hitanareo? Ankehitriny, ity Fiangonana ity, Izy dia nantsoina hivoaka, nisaraka, nahafoy ny zavatra rehetra an’izao tontolo

izao, nivoaka, mba handeha hiaraka amin'ny Fanahy Masina, tahaka ny nataon'i Abrahama.

¹⁸⁹ Efa nahita an'ireo karazan-javatra rehetra isika, tahaka an'i Abrahama, tonga. Fa inona ilay famantarana farany izay hitany talohan'ny fiafaran'ny dia? Inona ilay famantarana farany talohan'ny niandrasany zanaka ho tonga eo amin'ny sehatra? Niandry zanaka iray Abrahama. Marina ve izany? [Hoy ny fiangonana hoe, "Amena."—Mpand.] Taranak'i Abrahama ve isika? ["Amena."] Noho izany dia niandry Zanaka iray isika, Zanaka iray nampantanenaina, ilay Zanak'Andriamanitra.

¹⁹⁰ Ary nahita an'ireo asan'Andriamanitra mahagaga i Abrahama rehefa Nantsoiny izy, tao amin'io Hazavana kely io tamin'io fotoana io, sy ilay fanatitra, ary nanamarina ny fanekeny taminy. Ary imbetsaka no Nihaonany taminy tamin'ny fomba maro. Fa ny famantarana farany izay Nasehony an'i Abrahama, dia rehefa tonga Izy, voaseho tao amin'ny nofo, ary nipetraka niaraka tamin'ny Lamosiny nitodika nankany amin'ny tranolay, ka niteny tamin'i Saraha.

¹⁹¹ Tsy isalasalana fa nino i Abrahama hoe Andriamanitra izany. Ny olona sasany dia tsy mino fa izany ilay izy. Fa, izany, ny Baiboly no nilaza fa Andriamanitra izany. Nilaza i Abrahama fa Izy izany. Izy dia niantso Azy hoe, "Elohim." Elohim dia ilay Mpamorona lehibe an'ny lanitra sy ny tany.

¹⁹² Ankehitriny, nanao ny Tenany Izy, nofo, ho famantarana iray, hoe amin'ny andro farany (Hitanareo ve ireo Sodomita, ilay tsi-mpino? Hitanareo ve ilay mambram-piangonana?), ankehitriny, diniho ilay Voafidy, nantsoina hivoaka, ary Izy, ao amin'io Voafidy io, maneho ny Tenany amin'ny herin'ny Fanahy Masina Izy, ao anatin'nynofon'olombelona. Amena. Tsy afaka mahita ve ianareo fa izany no Mesia? Andriamanitra, Kristy, voaseho ao amin'Ny Fianganany; ilay Fianganana manao an'ilay Aina iray ihany, miaina an'ilay fiainana iray ihany, manao an'ireo famantarana iray ihany. "Izay mino Ahy, ireo asa izay Ataoko no hataony koa."

¹⁹³ Raha ny fanahin'ny—ny jiolahy iray no tato anatiko, dia ho nanana basy aho teo amiko. Raha ny fanahin'ny mpandoko iray no tato anatiko, dia afaka nandoko sarin'ny mpandoko iray aho, ary afaka nanao. Raha ny fanahin'ny mekanisiana iray no teo amiko, dia afaka niteny taminareo an'izay tsy nety tamin'ny fiaranareo aho. Hitanareo?

¹⁹⁴ Ary raha ny Fanahin'i Jesosy Kristy no ato anatiko, dia hanao an'ireo asan'i Kristy aho, satria izany no Fiaianan'i Kristy ao anatinareo. Hitanareo? Voaseho tao amin'Iza? Naneho an'Iza? Izy dia...Nahafoy ny maha-Zanaka Azy, ary lasa fahotana, ka nitondra ny fahotantsika, mba Ahafahany maka mpanota ary manao azy ireo ho zanaka. Laso izaho Izy, mba ahafahako ho lasa Izy. Laso mpanota iray Izy, mba

ahafahako ho lasa zanak'Andriamanitra iray. Izy... Oh, izany—manaitra izany, izay Nataony. Hitanareo? Naka ny toeranareo Izy, mba ahafahanareo maka ny Toerany. "Mpiara-mandova Aminy ianareo; ao amin'ny Fanjakana." Lasa mpanota iray Izy, tahaka anareo; napetraka teo Aminy ny fahotanareo, mba Ahafahany maka anareo ka manao anareo ho olona teratanin'ny Lanitra, ka mametraka anareo miaraka Aminy ao amin'ny Fanjakan'Andriamanitra. Eo ianareo izao: mametraka Ny Fanahiny ao anatinareo. Ary raha Ny Fanahiny no ao anatinareo, dia ireo asa izay Nataony no hataonareo koa.

¹⁹⁵ Ankehitriny, jereo izay Nataony fony teto an-tany Izy. Ahoana no Nanaovany ny Tenany ho voaseho?

¹⁹⁶ Tsy afaka mandehandeha ianareo, mihodinkodina eo, ary mandeha mankany amin'ny efitra filalaovana billards, ka manalavitra ny fiangonana, ary mijanona any an-trano ny Alarobia hariva, mba hijery karazana tantara maloto iray an'ny televiziona, na zavatra tahaka an'izany, ka mahafoy ny fiangonanareo, ary ny rehetra tahaka an'izany, ka mba hanantena hahita an'i Kristy. Tsy maitsy mahafoy an'ireo zavatra ireo ianareo, mba hanarahana ny Fanahy Masina.

¹⁹⁷ Avelao Izy haneho ny Tenany ho Mesia, tahaka ny nataon'ireo mpanaraka voalohany. Nanaraka Azy izy ireo, mba hahita raha Izy no Mesia. Inona no neverinareo ny amin'i Andrea rehefa nijanona ny alina manontolo niaraka Taminy tamin'io alina io, izy sy Filipo? Ny ampitso maraina, dia nandeha teny amin'ny lâlana iray i Filipo, ary Andrea teo amin'iray hafa.

¹⁹⁸ Nanenjika ny rahalahiny i Andrea. Ary vantany vao nahita an'i Simona izy, dia hoy izy hoe, "Avia, jereo. Hitanay io Mesia io." Fantany fa Izy no Mesia. Nahoana? Fantany hoe ho inona ny Mesia. Fantany, ara-tSoratra, hoe ho inona ny Mesia.

¹⁹⁹ Ankehitriny, mazava ho azy, ireo Jiosy, tamin'ireo andro ireo, efa naminavina tanteraka an'izany izy ireo, ireo fiangonana goavana be ireo. "Oh, rehefa tonga ny Mesia, dia hisy trompetra iray ho tsofina manerana ny lanitra, ka hanodina zavatra iray Andriamanitra, ary hamela an'ireo lâlantsaran'ny Lanitra hidina. Ary hisy fiarahaban'ny Anjely iray hipoaka manerana ny tany. Dia ho tonga ny Mesia, midina eo amin'ireo lâlantsara ireo tahaka an'izany, miaraka amin'ny Anjely sy mpitendry zavamaneno, ary ireo zavatra tahaka an'izany, midina avy hatrany ao amin'ity tempoly ity, miditra ao. Izy no ho Mesia. Haka tehina iray Izy, ka hanapaka ny tany."

²⁰⁰ Jereo hoe hafa be toy ny ahoana no Nahatongavany, saingy tonga ara-tSoratra Izy. "Mipetraka eo ambonin'ny zana-boriky, tonga, miditra ao Jerosalema, mora sy malemy fanahy." Marina izany. Hitanareo?

²⁰¹ Nampihodina an'ilay mpaminany mihitsy aza izany, Jaona. Nitory Mesia iray miaraka amin'ny fikororohana eny an-Tânany

izy, manadio mikororoka tsara mihitsy ny Famoloany; fa rehefa tonga Izzy, dia malemy fanahy sy mora. Fa fantatri'i Jaona fa io no Mesia, satria hitany io Hazavana teo Amboniny io. Ary fantany izany. Hoy izy hoe, “Ilay niteny tamiko tany an-efitra hoe, ‘Mandehana, manao batisa amin’ny rano,’ hoy izy, ‘Eo amin’Izay hahitanao ny Fanahy midina ka mijanona, dia Izzy no Anankiray izay manao batisa amin’ny Fanahy Masina sy afo.’” Tsy nisy olon-kafa nahita an’izany. Jaona no nahita an’izany. Ho an’i Jaona ny teny fikasana.

Tsy nisy olona nahita an’ilay kintana izay narahin’ireo olon-kendry.

²⁰² Ary toy izany koa ilay izy izao hariva izao. Afaka mipetraka eto ianareo, jamba indroa, ka tsy mahita mihitsy ny herin’Andriamanitra. Tsy afaka hahazo an’izany mihitsy ianareo raha tsy Andriamanitra no manokatra ny... “Izay rehetra nomen’ny Ray Ahy no hanatona Ahy, ary tsy misy olona afaka manatona raha tsy Ny Raiko no mitarika azy.” Izay ihany. Milamina hatreo izany.

²⁰³ Ankehitriny dia hitantsika fa nahafoy ny rehetra izy ireo, ary nanaraka Azy ka nahita fa Izzy no Mesia. Nandeha i Andrea ka niteny tamin’i Petera, nanao hoe, “Fantatrao ve izay notenenin’ny raintsika tamintsika?” Zavatra eo amin’izany karazana izany, angamba. “Fantatsika fa rehefa tonga ny Mesia, Mosesy no niteny tamintsika fa ‘ny Tompo Andriamanitsika dia hanangana Mpaminany iray’ tahaka azy. Ary fantatsika fa, efa nampianarina isika hoe, ‘Raha misy anankiray eo anivontsika, izay ara-panahy na mpaminany iray, ka izay lazainy dia miseho, amin’izay fotoana izay dia henoy izy. Raha tsy miseho ilay izy, amin’izay fotoana izay dia aza mihaino azy.’ Ary fantatsika fa ny Mesia dia ho ny... tsy mpaminany iray fotsiny ihany. Ho Andriamanitra-Mpaminany Izzy. Noho izany dia ity Lehilahy ity izany Zalahy izany.”

“Ahoana no ahafantaranao, ry Andrea?”

“Avia fotsiny, jereo.”

²⁰⁴ Nandeha nankeo. Ary vantany vao nandeha teo anoloan’i Jesosy izy, dia hoy Jesosy hoe, “Ny anaranao dia Simona, ary ianao dia zanak’i Jonasy.” Fantany, teo no ho eo, fa io no Zanak’Andriamanitra.

²⁰⁵ Indro tonga i Filipo, niaraka tamin’i Natanaela. Vantany vao nanatona Azy i Natanaela, nahafantatra...

²⁰⁶ Izzy ireo dia mety, ataoko fa, ilay fifampiresahana lehibe izay nananan’izy ireo, miresaka mikasika an’izany, tonga teo. Ary ahoana no Nitenenany tamin’i Petera an’ireo zavatra ireo, ka nanomezany azy anarana iray hafa, sy niteny taminy hoe iza izy, ary ny rainy, sy ny sisa, mikasika an’izany. “Fantatrareo fa natao ho mpaminany iray ny Mesia.”

²⁰⁷ Eny, indro izy manatona arak'izany, manatona mankeo alohan'i Jesosy. Dia hoy Jesosy hoe, "Indro ny Isiraelita tsy misy fitaka ao aminy."

Hoy izy hoe, "Raby, oviana no Nahafantaranao ahy?"

²⁰⁸ Hoy Izy hoe, "Talohan'ny niantsoan'i Filipo anao, rehefa teo ambanin'ilay hazo ianao, dia nahita anao Aho."

²⁰⁹ Hoy izy hoe, "Raby, Ianao no Zanak' Andriamanitra. Ianao no Mpanjakan'i Isiraely." Nilamina hatreo izany, ho azy.

²¹⁰ Vehivavy kely, antitra mampalahelo, feno lo-to, maloto, niaina niaraka tamin'ny lehilahy enina. Efa nanambady indimy izy, ary ilay anankiray izay niarahany niaina tamin'izany dia tsy azy. Nivoaka nankeo amin'ny fantsakana iray indray andro mba haka rano. Ary rehefa nampidina an'ilay paompy izy, na ilay siny tao amin'ilay fanodinana, ambany, mba hahazo rano, ary rehefa nanomboka tamin'izany izy, dia nahita Lehilahy iray antenantenan-taona nipetraka teo, Jiosy iray. Hoy Izy, "Ravehivavy, itondray Aho ho sotroina."

²¹¹ Hoy izy hoe, "Manana fanavakavahana isika. Tsy misy—tsy...tsy fanao eto ho Anao, izay Jiosy iray, ny mangataka amiko, vehivavy Samaritana iray, zavatra tahaka an'izany. Tsy manana fifanarahana isika."

²¹² Hoy Izy hoe, "Saingy raha fantatrao hoe Iza no niresaka taminao, dia ianao no ho nangataka Tamiko ho sotroina. Ianao no ho nangataka rano Tamiko." Izy ireo fotsiny...Nanohy izy ireo, nifampiresaka, vetivety. Inona no Nataony? Niezaka hahita hoe taiza no nisy ny olany.

Ankehitriny, "Nila nandalo an'i Samaria Jesosy."

²¹³ Tsarovy, nanondro ny Tenany tamin'ny Jiosy sy Jentilisa fotsiny ihany Izy... Ny olon'i Hama, Sema izany. Hitanareo? Ny olon'i Jafeta no tavela. Isika Anglo-Saxons, mpanompo sampy isika, nivavaka tamin'ny sampy tamin'ireo andro ireo. Tsarovy. Nahoana Izy no tsy naneho ny Tenany, Jesosy, fony Izy tetra antany, tamin'ireo Jentilisa, tamin'ilay famantarana iray ihany, mba haneho amin'izy ireo? Satria tsy niandry Mesia mihitys ireo Jentilisa.

²¹⁴ Ireo Jiosy no niandry Mesia iray, ary ireo Samaritana no niandry Mesia iray.

²¹⁵ Ary naneho ny Tenany ho ny Mesia Izy, tamin'ny fitenenana tamin'i Petera, ilay anankiray izay Nomeny an'ireo fanalahidin'ny Fanjakana. Ary tamin'i Natanaela. Ary Bartomeo jamba, rehefa nampijanona Azy ny finoany. Ary ilay vehivavy niaraka tamin'ny fitsiha-drà. Sy ny sisa, tamin'ireo Jiosy.

²¹⁶ Fa eto dia eo anatrehan'ireo Samaritana Izy ankehitriny, ary tonga teo amin'ireo Samaritana Izy, mba hampahafantatra ny Tenany ho ilay Mesia marina.

²¹⁷ Ankehitriny, nandrity ny an-jatony taona, ny Jiosy sy ny Samaritana dia efa nino fa ho tonga ny Mesia iray. Noho izany, raha teto an-tany ny Mesia, dia miankina amin'ilay Mesia ny maneho ny Tenany.

²¹⁸ Jereo i Simeona antitra tao an-tempoly, niaraka tamin'ny fijoroana vavolombelona iray, hoe, "Tsy hahita fahafatesana aho mandra-pahitako ny Kristin'ny Tompo." Ary tamin'ilay tena fotoana izay nitondran'i Maria mihitsy an'ilay Zazakely, no nitenenan'ny Fanahy Masina tamin'i Simeona. Nandeha avy hatrany nankeo amin'izay nisy Azy izy, tahaka an'izao, ary nanangana ny tànany, ka nanao hoe, "Aoka ny Mpanomponao handeha am-piadanana araka Ny Teninao, fa ny masoko mahita Ny Famonjenao." Tsy afaka velona ela be i Simeona mba hahita Azy manatanteraka an'ireo Asany Mesianika, saingy nanana fanambarana iray izy hoe Izy io.

²¹⁹ Fa nampahafantatra ny Tenany tamin'ny olona Izy, ho Mesia, mba ho io Andriamanitra-Mpaminany io. Io vehivavy io, rehefa niresaka taminy Izy, nanao hoe, "Mandehana, alaivo ny vadinao ka mankanesa eto."

Hoy izy hoe, "Tsy manana vady mihitsy aho."

²²⁰ Hoy Izy, "Nilaza ny marina ianao. Efa nanana dimy ianao, ary ilay anankiray izay iarahanao miaina ankehitriny dia tsy vadinao."

²²¹ Hoy izy hoe, "Tompoko, hitako fa mpaminany iray Ianao. Fantatray, rehefa tonga ny Mesia, dia Izy no hiteny aminay an'ireo zavatra ireo. Izao no ho famantaran'ny Mesia rehefa tonga Izy. Izy no ho Anankiray izay hiteny aminay an'ireo zavatra ireo."

Dia hoy Jesosy hoe, "Izaho izay miresaka aminao no Izy."

²²² Nilaozany haingana mihitsy io sinin-drano io ka nihazakazaka nankany an-tanàna, ary niteny tamin'ireo lehilahy tao an-tanàna hoe, "Avia, jereo ny Lehilahy iray, Izay niteny tamiko an'izay nataoko. Tsy izao ve no tena Mesia? Tsy izao ve no famantarana izay tokony hasehon'ny Mesia amintsika?"

²²³ Tsy nanao an'izany indray mandeha intsony Izy, teo anatrehan'ny iray tamin'izy ireo, saingy nilaza izy ireo fa nino Azy ireo lehilahin'io tanàna io nohon'ny fanambaran-dravehivavy hoe Izy no Mesia. Amena.

²²⁴ Ankehitriny dia izao no fotoan'ny Jentilisa. Efa nanana roa arivo taonan'ny korontana isika, ireo ambony-sy-ambany, ireo rafi-pandaminana, ireo miditra-sy-mivoaka, sy ireo fifamaliana sy adi-hevitra, sy fifamaliana sy ady, ary ny zavatra hafa rehetra, ireo teolojiana sy seminera, ary inona koa.

²²⁵ Ankehitriny, raha namela an'ireo Samaritana sy Jiosy ireo ho tonga avy hatrany Izy, izay nahafoy an'ireo andriamanitr'izao tontolo izao, mba hanompo an'Andriamanitra, ary niandry

ny fahatongavan'ny Mesia, ary nampahafantatra ny Tenany tamin'ireo Jiosy tamin'izany fanao izany ny Mesia, tamin'izany andro izany... Ary tsy afaka mandika an'ireo Fitsipiny Izy. Tsy Ray iray izay hanao anankiray amin'ny anankiray Izy, ary anankiray amin'ny zavatra iray hafa, zavatra hafa iray. Izy no Jesosy tsy miova. Marina.

²²⁶ Ankehitriny, eto, efa nanana roa arivo taona isika. Nilatsaka teo amintsika ny Fanahy Masina. Niteny tamin'ny fiteny tsy fantatra isika, ary nahita an'ireo famantarana sy fahagagana, sy ny sisa. Ankehitriny, ny famantarana farany izay hitan'i Abrahama, talohan'ny niverenan'ilay zanaka nampanantenaina, dia Andriamanitra naneho ny Tenany tao anatin'ny vatana iray izay afaka nihinana, tamin'ny alàlan'ny filazana mialoha sy fanehoana an'ilay famantarana iray ihany izay nasehon'i Jesosy fony Izy teto, mba ho Mesia. Ankehitriny, naminany i Jesosy ka nilaza fa ho tahaka an'izany ilay izy. Ary, ry sakaiza, ankehitriny dia izao no ora.

²²⁷ Ireo Jiosy izay nitsangana teo, rehefa nahita an'i Jesosy nilaza an'izany tamin'io lehilahy io izy ireo, dia hoy izy ireo hoe... Tsy maintsy namaly ny fiangonany izy ireo. Izy ireo, fantatr'izy ireo fa vita ilay izy, noho izany dia tsy afaka nanao na inona na inona mikasika an'izany izy ireo. Tsy maintsy namaly ny fiangonany izy ireo, noho izany dia hoy izy ireo hoe, "Belzeboba io Lehilahy io. Izy..." Nieritreritra an'izany tao am-pony izy ireo. "Belzeboba io Lehilahy io, hitanareo, satria mpanao hatsarana iray Izy, karazana mpi—mpifandray amin'ny saina iray, na zavatra iray. Belzeboba Izy."

²²⁸ Nahafantatra ny eritreritr'izy ireo Jesosy. Dia nitodika teo amin'izy ireo Izy, ka hoy Izy hoe, "Raha miteny manohitra Ahy, ilay Zanak'olona ianareo, dia hamela anareo Aho. Fa, raha tsy izany, indray andro any dia ho tonga ny Fanahy Masina, hanao an'ilay zavatra iray ihany. Ary ny miteny manohitra an'Izany, dia tsy misy famelàna mihitsy amin'ity fiainana ity na ny fiainana ho avy."

²²⁹ Oh, rahalahy, tena faly aho izao hariva izao manana an'ilay fitahiana pentekotista. Amena. Tsy isalasalana fa ato, rahalahy, mipetraka ato ianareo avy amin'ny Fianganan'Andriamanitra, Foursquare, Assemblées de Dieu, ary ireo hafa rehetra. Mahafinaritra izany. Izany, manohiza avy hatrany fotsiny. Aza... Mijanòna tsara amin'izany. Hitanareo? Fa aza mihevitra mihitsy fa ilay bodofootsy dia tsy mihitatra mankany amin'ny rahalahinareo hafa, ihany koa, ao amin'ny rafi-pandaminana iray hafa izay (mitovy mihitsy) nahazo ny Fanahy Masina koa. "Andriamanitra dia nanome ny Fanahy Masina an'ireo izay nankatò Azy." Noho izany ilay rahalahy hafa dia nanao, ihany koa, hitanareo, noho izany dia itaro fotsiny ilay izy. Mety tsara izany. Ary ndao isika ho tonga miaraka ka hifaly.

²³⁰ Nahafoy an'izao tontolo izao isika. Taranak'i Abrahama isika. Taranak'i Kristy isika, ilay Taranaka nampanantenaina. Ary eto isika, eto mihitsy. Ary inona ilay zavatra farany ankehitriny, izay Nomeny an'i Abrahama raintsika? Ilay famantarana, talohan'i Sodoma, talohan'ilay fandorana, sy ny fihavian'ilay zanaka. Ankehitriny, alohan'ny fahatongavan'ilay Zanaka nampanantenaina mihitsy, sy ny fandorana an'i Sodoma, dia nampanantena Andriamanitra tamin'ny alalan'i Jesosy Kristy fa izany marina tokoa dia ho, "Tahaka ny tamin'ny andron'i Sodoma."

²³¹ Jereo izao tontolo izao androany. Ny tantaran'izao tontolo izao dia tsy mbola nahita mihitsy mpanao ratsy betsaka tahaka ny ananantsika amin'izao andro izao. Ary ny taratasy voaraiko dia feno reny, mitomany, avy eto California. Mamaky ny gazety, io fahasimbana io, nahoana, niova izany any California, heveriko, eo amin'ny manodidina ny telopolo isan-jato, noho ny tamin'ny taona teo aloha. Fahasimbana, hatraiza hatraiza izany, fahalotoana. Ireo sekoly, ireo sekolim-pivavahana, tsy maintsy mandroaka ny olona avy ao amin'ny sekoliny, manana fotoana sarotra hifidianana. Mpanao ratsy, "manova ny lèlana araboajanahary," tahaka ny tany Sodoma mihitsy, tahaka an'izany no ahitantsika azy.

²³² Jereo i Billy Graham, iraka iray avy amin'Andriamanitra, tany, manely an'ity Filazantsara ity.

²³³ Ankehitriny, ahoana ny amin'ilay Fiagonana, Voafidy? Izy dia natao hahazo famantarana iray, ihany koa. Tsy marina ve izany? Natao hahazo an'izany Izy. Matoky aho izao hariva izao fa hahafoy ny tsi-finoantsika rehetra isika, ka hino ny Tompo Jesosy, ary hanaraka Azy, sy hahita an'ireo Famantarany an'ny andro farany, satria Izy no nampanantena fa ho eto izany.

Ndao isika hanondrika ny lohantsika.

²³⁴ Misy anankiray ve ato izao hariva izao izay tsy mahafantatra Azy ho Mpamonjinareo, ka te-hahafoy ny zavatra rehetra ianareo izao ankehitriny izao ary hanaraka Azy? Atsangano fotsiny ny tènanareo, manaoa hoe, "Mivavaha ho ahy, Rahalahy Branham. Tiako ny hanao an'izany, ho tena Kristiana iray." Andriamanitra hitahy anao. Misy iray hafa ve? Andriamanitra hitahy anao. Andriamanitra hitahy anao. Andriamanitra hitahy anao, ranabavy. Andriamanitra hitahy anao, sy ianao, rahalahy. Iray hafa? Andriamanitra hitahy anao, tompoko. "Tiako ny hahafoy ny zavatra rehetra. Izaho—hataoko izany, Rahalahy Branham."

²³⁵ Te-hanontany zavatra aho. Rahalahy, ranabavy, izaho—izaho tsy—tsy fanahy iniako ny mandratra olona. Fa, hitanareo, ianareo—ianareo—ianareo... Tompon'andraikitra amin'ny Teny ianareo. "Raha—raha mitoetra Amiko ianareo, ary Ny Teniko ao anatinareo." Matetika dia tsy maintsy milaza zavatra

izay mandrantsana ahy aho, indrindra matetika amin'ireo anabaviko.

²³⁶ Satria, fantatrareo fa ny vehivavy no nampiasain'i Satana tany amin'ny voalohany. Andriamanitra nifidy ny lehilahy. Satana nifidy ny vehivavy.

²³⁷ Voatahy izy, mazava ho azy, mba ho fikotrehana izay nitondra an'i Jesosy Kristy teto an-tany. Ankehitriny, tsy Zanany Io. Fantatrareo rehetra izany. Tsy niantso azy ho reniny mihitsy Jesosy na indray mandeha aza. Izy tsy nanana mihitsy... Mpanatrika mifangaro izao, saingy henoy aho. Tsy nisy tsirin'aina avy tamin'i Maria. Noforonina izany rehetra izany, virijiny, tamin'Andriamanitra. "Ny Fanahy Masina no nanaloka." Izany no antony tsy nahafahan'i Jesosy niantso azy hoe reny. Tsy ampahany avy taminy Izy, na inona na inona. Fikotrehana fotsiny izay nampiasain'Andriamanitra izy, mba hitondra an'ilay Zazakely.

²³⁸ Satria, raha nisy zavatra iray avy tamin'io vehivavy io izay tao anatin'io Zazalahy io, io Zazakely io, io vehivavy io (azonareo; fantatrareo lehibe izay tiako lazaina), dia tsy maintsy nisy karazana fanorontoronina iray, karazana tsirin'aina iray avy tamin'io vehivavy io, tamin'ny alàlan'izany, amin'izay fotoana izay dia mitovy tanteraka amin'ny firaisana ara-nofo iray tamin'Andriamanitra Tsitoha izany. Tsy mety hisy.

²³⁹ Andriamanitra no namorona an'ilay zazakely, ny atody sy ny Rà. Na ny sela, an'ny vehivavy sy ny lehilahy, Andriamanitra no namorona. Izany no antony nananganana an'io vatana io. Izany tokoa. Izy no voalohany tamin'ny fitsanganana. Noho izany dia tsy niantso azy hoe reny mihitsy Izy. Hoy izy ireo hoe, "Mitady Anao ao ivelany ao ny Reninao."

²⁴⁰ Hoy Izy hoe, "Iza no Reniko?" Hoy Izy, "Ireo izay manao ny sitrapon'Ny Raiko, izany no Reniko." Hitanareo? Noho izany dia tsy niantso azy hoe reny mihitsy Izy na indray mandeha aza. Izy dia niantso azy hoe "ravehivavy." Izany izy.

²⁴¹ Ary ny sasany aminareo olona Katolika malala izay manao azy ho andriamanitra iray, na andriamanibavy iray, mpanjakavavin'ny Lanitra. Tsy marina izany. Tsia, tsy izany ilay izy. Vehivavy tsara iray izy. Eny, tompoko. Marina tokoa. Fa tsy mihoatra noho ny vehivavy hafa rehetra izaynofidian'Andriamanitra hampiasaina izy. Afaka mampiasa vehivavy iray ho an'ny zavatra hafa iray Izy. Afaka mampiasa azy Izy, na ahoana na ahoana. Fikotrehana iray fotsiny izy, satria izany no na ha-izy azy, mba hitahiry an'ilay Voa hafana, sy ny sisatuhaka an'izany. Ary tonga tao amin'ilay Zazakely ny Aina. Fa ilay Rà, ilay hemoglobine, mahafantatra foana isika, dia avy amin'ny fananahana lahy. Ary Izy no lahy, ilay Mpamorona. Izy dia sady tsy Jiosy... Ilay Zazakely dia...

²⁴² Jesosy dia sady tsy Jiosy na Jentilisa. Andriamanitra Izy. Marina izany. Andriamanitra Izy tenany no namorona vatana iray mba Hitoerany. Izany dia Ny Zanany, Jesosy Kristy. Ilay fahaterahana masina, ara-virijiny no niteraka an'io vatan'olombelona io, fanorontoronina tsy misy tsiny tamin'ny alàlan'ny Fanahy Masina. Tsy nisy nidiran'ny vehivavy mihitsy izany, na ny atody na ny selan-drà.

²⁴³ Ny lehilahy no manana ny selan-drà. Ny vehivavy no manana ny atody. Amin'izany fomba izany, dia tsy maintsy nisy karazana faniriana iray sy fanorontoronina iray, mba hanao zavatra hitranga.

²⁴⁴ Ary tao amin'ity toe-javatra ity, dia tsy nisy afa-tsy fanalofan'ny Fanahy Masina, ary Andriamanitra no namorona tao anatin'ilay vehivavy. Izany no Mpamondiko. Raha tsy misy Azy, dia vita ny amintsika rehetra.

²⁴⁵ Ankehitriny, ny sasany aminareo olona eto, ianareo vehivavy, ianareo, angamba vehivavy Pentekotista, efa meloka tamin'ny fitafiana akanjo maloto, nanapaka ny volonareo, nanao zavatra. Voamariko eto California, tsy misy be loatra amin'izy ireo . . .

²⁴⁶ Na, eto Arizona, raha ny marina, tsy be loatra amin'izy ireo no manao fandokoan-tarehy. Izany dia efa niadiana, ihany koa. Eny, tsy misy na inona na inona ao amin'ny Baiboly hilazana aminareo mba tsy hanao fandokoan-tarehy. Fantatsika fotsiny fa ratsy izany, satria avy amin'izao tontolo izao.

²⁴⁷ Fa misy didy iray ao amin'ny Baiboly hoe ny vehivavy iray, izay manapaka ny volony, dia olona mahafa-boninahitra iray. Ary raha tahaka an'izany ilay izy amin'Andriamanitra, nefà milaza ianareo fa manana ny Fanahy Masina, ka manao tahaka an'izany, dia misy zavatra tsy mety.

²⁴⁸ "Ny manao fitafiana izay an'ny lehilahy." Oh, ranabavy, malala,aza manahaka an'izao tontolo izao. Afoizo izao tontolo izao. Mifikira amin'i Kristy.

Hoy ianareo hoe, "Inona no fahasamihafana ataon'izany?"

²⁴⁹ "Sambatra izay manatanteraka an'ireo Didiny rehetra, mba hananany zò hiditra eo amin'ny Hazon'Aina." "Meloka amin'ny kely indrindra dia meloka amin'ny manontolo."

²⁵⁰ Mahafantatra tsaratsara kokoa ianareo. Raha manana ny Fanahy Masina ianareo, dia azo antoka fa Izy no hiteny tsaratsara kokoa aminareo. Izy no hiteny tsaratsara kokoa aminareo, raha ny Fanahy Masina ilay izy.

²⁵¹ Ankehitriny, raha meloka ianareo, ka te-hanao fanombohana iray izao hariva izao, ary hanao hoe, "Rahalahy Branham, tsy nahafantatra an'izany aho. Efa nisolifatra aho. Te-hanomboka indray aho. Manomboka izao, dia hanompo an'Andriamanitra aho." Atsangano ny tènanareo, manaova hoe, "Mivavaha ho ahy, Rahalahy Branham."

Andriamanitra hitahy anao. Mila faherezana izany. Izany dia mila tena... Andriamanitra hitahy anao. Tànana maro. Eny àry. Andriamanitra hitahy anao. Noho izany, raha fantatrareo, fa misy Zavatra ao anatinareo, miteny aminareo fa diso ianareo, amin'izay fotoana izay dia fantatrareo fa akaiky anareo Andriamanitra.

²⁵² Fa rehefa mandre ny Teny tena mazava ianareo, nefà avy eo mbola mipetraka eo foana ka manao hoe, "Tsy hanao an'izany aho. Tsy fantany izay resahany," nefà aho manonona ny Teny eto mihitsy, hitanareo, amin'izay fotoana izay dia misy zavatra tsy mety amin'izay ao anatinareo. Hitanareo? Tsy misy afa-tsy zavatra anankiray izany, dia Satana. Izay ihany. Manohitra an'Andriamanitra izany. Manohitra ny Fitsipiny izany. Manohitra Ny Teniny izany.

²⁵³ Nilaza tamiko ny olona iray, vao tsy ela akory izay, mpitoky teny malaza iray. Hoy izy hoe, "Rahalahy Branham." Niantso ahy nankao amin'ny efitranony, nametraka ny tànany teo amiko. Hoy izy, "Hanimba ny asam-panompoanao ianao."

Hoy aho hoe, "Inona?"

²⁵⁴ Hoy izy, "Mivazavaza foana ny olona ianao, nohon'ny fomba izay ataon'izy ireo." Hoy izy, "Nahoana ianao no tsy... ny olona dia mihevitra fa mpaminany iray ianao."

Hoy aho hoe, "Tsy mpaminany aho."

²⁵⁵ Hoy izy hoe, "Eny, ny olona dia mihevitra fa izany ianao. Nahoana ianao no tsy mampianatra azy ireo ny zavatra ara-panahy, ahoana no ahafahan'izy ireo mahazo an'ireo fitahiana ara-panahy lehibe sy ny sisa?"

²⁵⁶ Hoy aho hoe, "Ahoana no ahafahako mampianatra azy ireo ny zavatra ara-panahy nefà tsy mahafantatra ny ABD-ny akory aza izy ireo? Tsy manana fahamaotinana tsotra akory aza izy ireo hilahatra amin'ny Teny, avelao hipetraka tsara ireo zavatra ara-panahy. Raha tsy mino ny zavatry ny tany izy ireo, dia ahoana no hinoan'izy ireo ny zavatry ny lanitra?"

Hoy izy hoe, "Eny, hamotika ny asam-panompoanao fotsiny ianao."

²⁵⁷ Hoy aho hoe, "Ny asam-panompoana rehetra izay hopotehin'ny Tenin'Andriamanitra, dia tsy maintsy potika." Miverena amin'ny Teny. Marina izany.

²⁵⁸ Ankehitriny, raha mifoka sigara ianareo, sy ny sisa tahaka an'izany, nefà mihambo fa manana ny Fanahy Masina, dia mbà menatra. Ianareo lehilahy! Hoy ianareo hoe, "Nahoana ianao no manindrona an'ireo vehivavy?" Ianareo lehilahy izay hamela ny vadinareo hanao an'izany, oh, ramose, miantso ny tenanareo ho Kristiana, mbà menatra.

²⁵⁹ Fantatro fa henjana izany. Saingy, rahalahy, izao no—izao no fotoan'ny fanadiovana fanilo. Izao no fotoana hahatongavan'ny

Fanahy Masina, haka Ny Ampakariny. Ary raha tsy milahatra amin'Ny Teniny izany, amin'izay fotoana izay dia misy zavatra tsy mety ao.

²⁶⁰ Ianareo izay lavo, mijanona any an-trano ny Alarobia hariva ka tsy ho tonga eto am-piangonana eto, mijery televiziona, ary ireo hariva sasany an'ny fivoriana! Mieritrereta, ianareo—milaza marina tokoa ianareo, ary raha tsy maintsy tonga any am-piangonana ianareo, dia tsy maintsy manery ny tenanareo hanao an'izany, satria mihevitra ianareo fa lalàna iray no hanaovanareo an'izany. Tokony hanao an'izany ianareo. Mendri-kaja ny manao an'izany. Ary raha tsy tianareo ny manao an'izany, dia misy zavatra tsy mety ao. Misy ny Fanahy Masina izay manao anareo ho tia hanompo an'Andriamanitra.

²⁶¹ Ankehitriny, miaraka amin'izany, raha mbola miondrika ny lohanareo, izay rehetra mahatsapa fa tian'izy ireo ny hanao fanombohana iray amin'Andriamanitra, izao hariva izao, dia atsangano ny tànanareo. Ny olona rehetra ato mihitsy ankehitriny, atsangano fotsiny ny tànanareo, ny olona rehetra, ny manodidina rehetra. Andriamanitra hitahy anao, hitahy anao, ianao, ianao, ianao, ianao. Andriamanitra hitahy anao. Mahafinaritra. Hivavaka ho anareo aho.

²⁶² Ray any An-danitra, efa niteny Ny Teninao tena mazava sy madio aho ankehitriny, ary mandrantsana, araka ny fantattro hoe ahoana. Tsy ny ho hafa; raha izany no toetrako, Tompo, dia izaho no tokony ho anankiray eo amin'ny alitara. Fa raha mahita olona iray aho, ny rahalahiko na anabaviko, maty an-drano ao anatin'ny sambo antitra iray mitete, ka tsy miantsontso azy ireo, na mananatra azy ireo, na ahoana na ahoana mba hamoaka azy ireo avy ao amin'izany toerana izany, amin'izay fotoana izay dia tsy tia azy ireo aho. Miezaka ny mamoaka azy ireo aho, Tompo, mba ahafahan'izy ireo ho voavonjy.

²⁶³ O Andriamaniry ny Lanitra, mivavaka ho an'ny tsirairay avy izay nanangana ny tànany aho. Nahita maro amin'ireo vehivavy kely manapa-bolo nanangana ny tànany aho, miaraka amin'ny fahasoavana betsaka mikasika azy ireo mba hahafantarany fa diso izy ireo. Misy maro no tsy nanao. Ankehitriny, Ianao no Mpitsara an'izany. Fa mivavaka aho, Andriamanitra, mba Hamonjenao an'ireo. Ekeo izany. Mba . . .

²⁶⁴ Nanangana ny tànany ireo lehilahy ireo, lehilahy tanora tena mahafinaritra mipetraka miaraka amin'ny vadiny, sy ny sisa, nanangana ny tànany. Ireo olona antitra nanangana ny tànany. Ankehitriny, Ray, tsy maintsy mahafoy an'izao tontolo izao sy ireo zavatr'izao tontolo izao izahay, fa raha tsy izany dia tsy afaka manompo Anao izahay.

²⁶⁵ Mivavaka aho mba Hanehoanao ny Tenanao amin'ny fomba iray izao hariva izao mba hahitan'ny olona, fa, ny Teny izay efa voateny. Afaka milaza ny zavatra rehetra ny olona. Fa rehefa

tonga Andriamanitra ka manamarina Ny Teniny, manaporofa fa Ny Teniny izany, amin'izay fotoana izay dia tavela tsy misy fialan-tsiny izahay. Mivavaka aho, Ray, mba Hanekenao an'izany izao hariva izao. Ary ireto olona ireto vantany vao . . .

²⁶⁶ Maro amin'izy ireo angamba no mpanota. Maro no nanangana ny tanàny, satria mpanota. Ary mivavaka aho, Ray, vantany vao mahita an'ilay fanehoana izy ireo . . . Ary matoky fa hanao an'izany Ianao izao hariva izao, haneho ny Tenanao, hoe eto ny farany. Ho tonga tsy ho ela eo amin'ny Taranak'i Abrahama ilay Zanaka andrasana, ary tsy maintsy dorana ity Sodoma ity.

²⁶⁷ Indray andro any dia tsy hisy vato anankiray ho tavela eo ambonin'ny iray hafa, an'i Phoenix. Ho voafafa hadio ilay lohasaha. Ato amin'ny tanàna izao hariva izao izay misy fijangajangana, fisotro mifangaro, reny mifoka sigara, zanakavavy, mandihy, midoladola, manao hadalana, ireo lehilahy miaina tsy mendrika, ny fahotan'ity tanàna ity! O Andriamanitra, fa mijery eo amin'izany aho, ka mieritreritra hoe, "Inona ny ilàna na dia ny hanandrana akory aza?"

²⁶⁸ Fa avy eo dia mijery eo aho ka mahita Hazavana kely *eto sy etsy*, Kristiana iray nanokan-tena, mivavaka. "Izay rehetra misento sy mitaraina nohon'ny fahavetavetana izay natao teo afovoan'ny tanàna, dia voairaka ilay Anjely mba hametraka Tombokase iray eo amin'izy ireo, manisy marika azy ireo, ka izy ireo no anankiray izay tsy ho ravàna." Ary mivavaka aho, Ray, mba hisy maro izay ho Kristiana nanokan-tena, tena nanokan-tena, tsy matahotra ny hantsoina hanohitra ny ratsy. Andriamanitra, amin'ity andro ity, dia avelao izahay hiteny an'ireo zavatra izay tsara.

²⁶⁹ Ary hisy Andro Fitsarana iray ho avy, ka amin'izay fotoana izay dia tsy banana fialan-tsiny izy ireo, satria haseho eo amin'ny fitaratra fijerena ity Hafatra izao hariva izao ity, ireo takelaky ny lanitra, ka hamaly izahay rehetra. Noho izany dia mivavaka aho, Ray, mba Hamoranao ny fon'izy ireo ho afaka amin'ireo zavatr'izao tontolo izao, mba ahafahan'izy ireo hiaina masina ao amin'ity tontolo ankehitriny ity. Mangataka an'izany amin'ny Anaran'i Jesosy izahay. Amena.

²⁷⁰ Tena miala tsiny mihazona anareo. Isika . . . Izaho dia-tena tara aho. Ary izaho—izaho tsy . . . Natao hivoaka aho. Ny farany . . . Isan-kariva, dia mivoaka aho, eo amin'ny folo ora, raha tara indrindra. Tiako ny hivoaka izao hariva izao tamin'ny sivy sy sasany. Tsy nataoko ilay izy.

Ankehitriny, iray minitra fotsiny, mba hametraka ny—ny tombokase eo amin'izay nolazaiko.

²⁷¹ Ankehitriny, marina tokoa, tsy mpitoky teny iray aho. Mahafantatra an'izany ny olona rehetra. Tsy manana fianarana aho, ary mampiasa an'ireo teniko tranainy an'i Kentucky an'ny

"his," "hain't," sy "tote," sy "fetch," sy "carry," ary "them thar." Ary fantatrareo fa tsy mpitory teny iray tahaka an'izany aho. Tsy manana fianarana mba ho izany aho.

²⁷² Fa Kristiana aho. Ny Tompo Jesosy no namonjy ahy ho afaka tamin'ny fahotana. Fantattro izany. Ary nanome ahy Teny iray hafa Izy mba hanamarina ny kely izay fantattro. Ny zavatra tokana, dia tsy miezaka aho ny hametraka fandikana manokana. Mamaky Azy fotsiny aho. Ary na inona na inona Lazainy, dia milaza an'ilay zavatra iray ihany aho. Hitanareo? Izay ihany no fantattro. Hitanareo? Ankehitriny, raha diso fandika izany, dia tsy fantattro. Milaza an'ilay izy araka ny andikana azy *eto* aho. Hitanareo? Ary mijanona ao ambadik'izany foana Izy, ka manohana an'izany.

²⁷³ Mino aho fa ho avy tsy ho ela Jesosy Kristy. Mino aho fa Izy no Jesosy tsy miova, omaly, anio, ary mandrakizay. Mino aho fa Izy no nilaza hoe, "Vetivety foana, dia izao tontolo izao," kosmos, ilay lamin'izao tontolo izao, "dia tsy hahita antsika... tsy hahita Ahy intsony. Kanefa, ianareo no hahita Ahy, ianareo, ilay Fianganona, satria Aho," mpisolo anarana, "homba anareo Aho, ho ao anatinareo mihitsy aza, hatramin'ny fahataperan'izao tontolo izao. Ireo asa izay Ataoko no hataonareo koa." Mino an'izany ve ianareo? Hitantsika hoe inona ireo asa izay Nataony, ahoana no Anehoany ny Tenany.

²⁷⁴ Mivavaka aho, izao hariva izao, mba handraisan'Andriamanitra an'ity fianganana ity... Ankehitriny, tsy mampaninona na impiry no Hanosorany ahy, Izy dia tsy maintsy hanosotra anareo, ihany koa. Hitanareo? Tsy mampaninona na impiry no hiezahan'ny Fanahy Masina hiteny *eto*, Izany dia tsy maintsy manana zavatra *etsy*, mba hihaino an'izany.

²⁷⁵ Nitety andian'olona iray Jesosy, indray andro, ary nihorakoraka izy ireo hoe, "Raby, Raby, faly izahay manana anao eto, *izao-sy-izao*." Nanohy nandeha fotsiny Jesosy.

²⁷⁶ Ary nisy vehivavy kely iray izay tonga teo ka nikasika ny sisin'ny Akanjony, dia niverina ka nipetraka. Nijanona Jesosy ka nanao hoe, "Iza no nikasika Ahy?"

²⁷⁷ Nahoana, hoy i Simona Petera Taminy, toy ny hoe, nahoana, niteny mafy Azy izy. Hoy izy hoe, "Eny, nahoana Ianao no nilaza zavatra tahaka an'izany? Ny olona rehetra dia mikasika Anao."

²⁷⁸ Hoy Izy hoe, "Saingy Hitako fa lasa malemy Aho. Hery," izany hoe tanjaka, "dia niala Tamiko."

²⁷⁹ Nijery manodidina teo amin'ny mpanatrika Izy. Nisy olona iray teo izay nino Azy. Tsy mampaninona, mety efa nisy an-jatony teo, saingy nisy olona iray nino azy teo. Hitany io vehivavy kely io, noteneniny taminy ny amin'ny fitsiha-dràny, izay nitsahatra, ka sitrana izy. Marina ve izany? Nanohy avy hatrany. Hitanareo? Izy no tsy miova omaly, anio, ary mandrakizay.

²⁸⁰ Ankehitriny, efa nizara karatra fangataham-bavaka izahay. Nizara ny antsasak'izy ireo izahay, teo omaly hariva, antsasak'izy ireo izao hariva izao.

²⁸¹ Nanomboka tamin'ny voalohany ve isika, omaly hariva? Nanomboka tamin'ny dimy ambin'ny folo na roapolo voalohany ve isika, omaly hariva, nanomboka tamin'ny iray hatramin'*izao-sy-izao?* Inona ilay izy? Ahoana hoe? [Hoy ny rahalahy iray hoe, "Roapolo."—Mpand.] Iray hatramin'ny roapolo. Eny àry. Betsaka amin'izy ireo no eto izao hariva izao.

²⁸² Ndao isika hizara manomboka eo amin'ny faran'izany, arak'izany. Ndao isika hanomboka. Ndao jerentsika. Manana dimy ambin'ny folo minitra isika, ndao isika hizara karatra dimy ambin'ny folo, arak'izany. Ndao jerentsika, izany dia ho dimy amby valopolo hatramin'ny zato. Ndao isika hanomboka amin'ny dimy amby valopolo, hatramin'ny zato.

²⁸³ Iza no manana ny karatra fangataham-bavaka dimy amby valopolo? Atsangano ny tànanao. Dimy amby valopolo, vehivavy ery aoriana ery ve? Avia eto, ranabavy. Enina amby valopolo, iza no manana ny enina amby valopolo? Eto mihtisy. Fito amby valopolo, fito amby valopolo. Olona iray atsangano ny tànanao, fito amby valopolo. Ity lehilahy ity, fito amby valopolo. Valo amby valopolo, valo amby valopolo. Sivy amby valopolo, sivy amby valopolo. Sivifolo, iraika amby sivifolo, roa amby sivifolo, telo amby sivifolo, efatra amby sivifolo, dimy amby sivifolo, dimy amby sivifolo. Hia. Enina amby sivifolo, fito amby sivifolo. Enina amby sivifolo, tsy nahita azy nitsangana aho, enina amby sivifolo. Ankehitriny, raha manana ny karatrazao ianao, dia avia. Hitanao? Fito amby sivifolo, valo amby sivifolo, sivy amby sivifolo, zato. Eny àry. Ireto olona ireto raha mbola... Iray, roa, telo, efatra, dimy, enina, fito, valo, sivy. Misy eo amin'ny valo eo tsy ampy.

²⁸⁴ Henoy ankehitriny. Marina izany. Aza tonga eto miaraka amin'ny fahotana mihantona eo amin'ny fiainanareo. Tsaratsara kokoa aminareo ny miaiky an'izany eo, amin'Andriamanitra. Fa raha—raha manana ianareo, raha niaiky ny fahotanareo ianareo, dia mandrosoa.

²⁸⁵ Firy etsy no tsy manana karatra fangataham-bavaka, nefatianareo Jesosy hanasitrana anareo? Atsangano ny tànanareo. Firy no hino, raha Jesosy Kristy no hanao... Raha Izzy... Firy no mino an'izao?

²⁸⁶ Diniho. Hanontany an'ireto mpitoriteny ato aoriako ireto aho. Rahalahy, marina ve, amin'ny maha-mpitoritenin'ny Filazantsara, fa mino isika hoe ny Baiboly, ny Testamenta Vaovao, ny Bokin'ny Hebreo, dia milaza fa Izzy no Mpisoronabe, izao ankehitriny izao, Mpisoronabe izay azo kasihan'ny fahatsapan'ny fahalementsika? Marina ve izany, rahalahy?

²⁸⁷ Firy eo no mahafantatra fa ny Baiboly no milaza an'izany? “Mpisoronabe iray.”

²⁸⁸ Eny, raha Izzy no Mpisoronabe izay azo kasihan’ny fahatsapan’ny fahalementsika, ankehitriny, dia ahoana no Nataony, raha Izzy no tsy miova omaly, anio, ary mandrakizay, amin’izay fotoana izay, dia ahoana no Nihetsehany rehefa nikasika Azy tamin’ny fahatsapan’ny fahalemeny ny olona iray? Ilay vehivavy kely niaraka tamin’ny fitsiha-drà, izay nikasika Azy, satria nila ho voakasika izy; nitodika Izzy, ka njery nanodidina mandra-Pahitany azy, niantso azy. Marina ve izany? Marina ve izany, rahalahy? Ankehitriny, raha Izzy no ilay Mpisoronabe tsy miova, dia tsy maintsy hihetsika amin’ilay fanao iray ihany Izzy, satria Izzy no—Izy no Mpisoronabe. Marina ve izany? Eny, tsy maintsy hihetsika amin’ilay fanao iray ihany Izzy.

²⁸⁹ Ankehitriny, tsy mila karatra fangataham-bavaka ianareo. Tsia. Tsy mila an’ilay karatra fangataham-bavaka ianareo. Ny zavatra tokana ilainareo dia ny manana finoana an’Andriamanitra. Manàna finoana, minoa fotsiny amin’ny fonareo rehetra fa Jesosy Kristy no manasitrana ny marary sy ny ory, ary hanao an’izany marina tokoa Izzy.

²⁹⁰ Ankehitriny, ndao isika hanondrika ny lohantsika vetivety ho an’ny vavaka ankehitriny, indray, alohan’ny hisian’ny zavatra iray ho voalaza na ho vita. Ankehitriny, tsy milaza aho fa Hataony izany. Matoky aho fa hanao Izzy. Fa izaho—mino aho, ary matoky aho fa Hataony izany. Ankehitriny, raha Hataony izany, dia firy aminareo no hino? Atsangano ny tanganareo. Enga anie Izzy hanaiky an’izany, izany no fivavako.

²⁹¹ Ray any An-danitra, ankehitriny dia efa nilaza an’izay lazain’Ny Teninao aho hoe, “Mahafoy ny rehetra, mba hanarahana Anao.” Ireo izay nahafoy ny rehetra, dia tsy maintsy nahita Anao. Ary tsy mampaninona izay Hataonao, ireo izay tsy hahafoy ny fahotana ka hanaraka, dia tsy ho afaka hahazo mihitsy. Ireo izay mahafoy ny fahotana, tsi-finoana . . .

²⁹² Fantatray fa ny fahotana dia ny tsi-finoana. Tsy mampaninona na masina toy ny ahoana aza no iainanay, izay rehetra ataonay, raha mbola tsy mino foana izahay, dia mpanota. Hoy ny Baiboly hoe, “Izay tsy mino dia efa voaheloka sahady.” Noho izany dia fantatray fa izahay dia tsy maintsy mino “ny Teny rehetra izay aloaky ny vavan’Andriamanitra.” Izany no tokony ho mofonay isan’andro.

²⁹³ Ary mivavaka aho, Ray, mba, araka ny nanononako avy tao amin’ny Soratra izao hariva izao, ireo Fampanantenanao ho an’ireto andro farany ireto, sy izay handrasanay amin’ireto andro farany ireto. Raha efa marina izany, Tompo, amin’izay fotoana izay dia amarino miaraka amin’ny famantarana manaraka ireo Teny ireo. Ekeo izany.

²⁹⁴ Mametraka ny tenako Aminao aho, sy ny Teny, ary ny olona. Mivavaka aho, Ray, mba Hamoranao ny fo eo, mba hino amin'ny fony rehetra, ary indrindra ireo izay ho ao anatin'ilay laharam-bavaka. Ary avy eo dia avelao ny olona hahita fa ny Mesia, Jesosy Kristy, ny Fanahy Masina, dia miaraka aminay izao hariva izao. Ato amin'ilay Fiagonana Izzy, ilay Fiagonana Voafidy, ilay nantsoina hivoaka, Taranak'i Abrahama, amin'ny alàlan'ny teny fikasan'ny mpanjaka. Ekeo izany, amin'ny Anaran'i Jesosy. Amena.

²⁹⁵ Ankehitriny, mamelà ahy hijery fotsiny ankehitriny, vetivety. Ankehitriny, dia haka ny fotoantsika fotsiny isika, mandritry ny minitra vitsy, tena vitsy mihitsy, eo amin'ny folo minitra eo.

²⁹⁶ Tianareo ve Izzy? [Hoy ny fiangonana hoe, "Amena."—Mpand.] Mino Azy ve ianareo? ["Amena."] Mino ve ianareo fa ireo zavatra izay novakiako taminareo avy tamir'ny Teny izao hariva izao dia ny fahamarinana? ["Amena."] Mino ve ianareo fa nanao an'izany Jesosy fony Izzy teto an-tany? ["Amena."] Mino ve ianareo fa Izzy no nampanantena an'izany? ["Amena."] Mino ve ianareo fa ao amin'ny andro farany isika? ["Amena."] Ankehitriny, izany no Fampanantenany. Tsy maintsy miaina an'izany Izzy. "Raha mitoetra ato Amiko ianareo, Ny Teniko mitoetra ao anatinareo, amin'izay fotoana izay dia angataho izay tianareo. Hatao ho anareo izany." Ankehitriny, tsy maintsy ho marina ny antonareo sy ny tanjonareo. Tsy maintsy mino an'izany amin'ny fonareo rehetra ianareo.

²⁹⁷ Ankehitriny, tsy mino aho fa misy olona iray fantatro ao anatin'ilay laharam-bavaka. Vahiny isika. Vahiny iray aho. Ny etsy, vahiny. Ianareo rehetra izay mahafantatra fa tsy mahafantatra na inona na inona mikasika anareo aho, ianareo izay ao anatin'io laharam-bavaka bitika kely *eto* io, dia atsangano ny tanganareo, mahafantatra fa tsy mahafantatra na inona na inona mikasika anareo aho. Eny àry. Ny rehetra etsy, izay mahafantatra fa tsy mahafantatra anareo aho, na tsy mahafantatra na inona na inona mikasika anareo, atsangano ny tanganareo, jereo fotsiny. Eo ianareo izao. Noho izany, raharaha mafina iray ilay izy. *Eto* misy an'ireo miaraka amin'ny karatra fangataham-bavaka. *Etsy* misy ny tsy manana vavaka . . .

²⁹⁸ Ny karatra fangataham-bavaka dia tsy misy afa-tsy karatra kely iray miaraka amin'ny nomerao iray eo aminy. Nanome anareo nomierao iray fotsiny, tonga ilay zazalahy ka mampifangaro azy ireo, ka ny olona rehetra izay mila karatra fangataham-bavaka iray dia afaka mahazo an'izany. Ary tsy mahafantatra izy, tsy misy olon-kafa mahafantatra, hoe aiza aho . . . Eny, tsy ho fantany raha nifangaro ireo karatra rehetra, avy amin'ny toerana iray mankany amin'ny iray hafa. Tsy fantatr'izy ireo mihitsy hoe iza no ho ao amin'ilay laharam-bavaka, satria tsy afaka miteny an'izany izahay. Imbetsaka, dia maka azy ireo izahay eo . . .

²⁹⁹ Fony aho nanomboka voalohany, dia nanana lehilahy iray izahay tany nivarotra karatra fangataham-bavaka. Hoy ny olona iray hoe, “Homeko dimanjato dolara ianao hametraka ny vadiko ao anatin’ilay laharam-bavaka.” Hitanareo?

³⁰⁰ Nalaiko ny zanakolahy manokana. Avy eo dia hoy aho hoe, “Anaka, mba hanadiovana ny tenanao amin’ny olona, mba hahafantaran’izy ireo fa tsy hivarotra karatra fangataham-bavaka iray ianao, dia mitsangàna eo anatrehan’izy ireo, afangaroy ireo karatra fangataham-bavaka tahaka an’izao, avy eo dia zarao amin’ny olona rehetra izay mila izy ireo. Ary ankoatr’izany, anaka, tsy ho fantatrao mihitsy hoe manomboka aiza no hantsoiko mandra-pahatongako any.”

³⁰¹ Firy no efa nahita an’izany tao amin’ny fivoriana, imbetsaka sy imbetsaka? Isan’andro mihitsy, hanova aho, ary handeha *eto, etsy*. Ary avy eo, ankoatr’izany, eo amin’izay misy anankiray sitrana eo amin’ny lampihazo, misy roa ambin’ny folo antsoina *etsy*, hitanareo, marina izany, tsy manana karatra fangataham-bavaka.

³⁰² Koa izany no Jesosy Kristy Tompo tsy mety diso, ilay tsy miova omaly, anio, ary mandrakizay.

³⁰³ Hahafoy ny rehetra ve ianareo, mba hanarahana Azy? Manaiky ny hahafoy ny tsi-finoanareo ve ianareo, mba hanarahana Azy ho an’ny fahasitranana? Afoizo ireo—ireo zavatrareo arak’izao tontolo izao, mba hanarahana Azy amin’ny fahamasinana, ka hihetsika ho Azy. Ataovy izany ankehitriny. Tsy milaza aho hoe Hataony izany. Raha manao Izy, amin’izay fotoana izay dia ho fantatralo.

³⁰⁴ Ity vehivavy mitsangana *eto* ity mihitsy, izao no—no sary iray indray, araka ny nolazaiko omaly hariva, an’ny Masindahy Jaona 4. Indro ny lehilahy iray sy vehivavy iray, mihaona ho an’ny fotoana voalohany eo amin’ny fiainana. Ary izany dia teo amin’ny dabilio kely iray. Raha efa mba tany Samaria tany ianareo, any ivelan’i Sykara, ilay—ilay fantsakana kely, misy fitazanana kely iray eo, voaloboka no manerana ny sisin’izany, tahaka an’izao. Teo no nipetraka ilay vehivavy, nireshaka tamin’i Jesosy. Lehilahy iray, vehivavy iray, nihaona ho an’ny fotoana voalohany. Ary Noteneniny tamin’io vehivavy io hoe inona ny olany. Ny olany dia, mpanota izy.

³⁰⁵ Mety ho izy izany. Mety ho mpanota iray izy. Mety ho mphiatsaravelatsihy iray izy. Mety ho masina iray izy. Mety mila fanasitranana ho an’ny vatany izy. Mety mila fanasitranana ho an’olon-kafa izy. Mety manana ara-bola izy. Izzy, tsy fantatra izay maha-eto azy. Tsy afaka miteny aminareo mihitsy aho. Mitsangana eo fotsiny izy, vehivavy iray. Izay ihany. Izany no fahamarinana. Tsy mbola nihaona mihitsy izahay. Fa raha ho tonga eto ny Tompo Jesosy . . .

³⁰⁶ Ankehitriny, ny hanasitrana azy, raha marary izy, tsy afaka manao an'izany aho. Tsy afaka manao an'izay efa nataon'Andriamanitra aho. Ankehitriny, ny zavatra tokana . . .

³⁰⁷ Ahoana moa raha nitsangana teto Jesosy nanao an'ity palitao sy pataloa ity? Raha nanatona an'i Jesosy izy ka nanao hoe, "Jesosy, hanasitrana ahy ve Ianao?"

³⁰⁸ Eny, ho nilaza Izy hoe, "Ry Zanako, efa Nataoko izany. Efa voalefona Aho ho an'ny fahotanao. Tamin'ireo Dian-kapoko no nahasitrana anao." Marina ve izany? Asa vita iray izany.

³⁰⁹ Raha tonga ianareo, manao hoe, "Jesosy, hamonyj ahy ve Ianao? Hamonyj ahy ve Ianao?" Tsy izany ilay fanontaniana. Efa Nataony izany.

³¹⁰ "Tompo Jesosy, manaiky Ny Fanaovam-panavotanao aho. Mpanota aho." Hitanareo? Efa voavonjy ianareo tany. Efa sitrana ianareo tany. Nanaiky an'izany fotsiny ianareo. Amin'ny finoana no namonjena anareo. Amin'ny finoana no anekenareo ny famonjenareo.

³¹¹ Ary raha misy olona tonga eo, miteny aminareo fa manana herin'ny fanasitranana izy ireo, ary afaka manasitrana anareo izy, aoka ianareo . . . mialà mazava tsara eo amin'izany, satria tsy izany ilay izy. Ny herin'ny fanasitranana dia ao amin'i Kristy, asa iray efa vita.

³¹² Raha miteny aminareo ny olona iray hoe Andriamanitra dia nanome azy ny fahefana hamela ny helokareo, sy manao an'izany, dia aza mino an'izany. Efa navela izy ireo. Mitsangana eto Jesosy izao hariva izao, ny zavatra tokana, izany dia hanambara fa Izzy no Zanak'Andriamanitra.

³¹³ Ahoana moa raha Izzy no . . . Ahoana moa raha feno hola-pantsika ny tànako ankehitriny, ka miraraka avy ao amin'izy ireo ny rà, ary tsilo manerana eto? Mbola tsy hanao azy ho Jesosy foana izany. Ho ny nofoko izany.

³¹⁴ Ary fantatsika fa io nofo io dia mipetraka eo ankavan'an'Andriamanitra. Ary rehefa tonga izany, dia tsy hisy andro intsony. Marina izany. Rehefa midina Jesosy, dia izay ihany ny amin'izany.

³¹⁵ Fa eto Izzy ao amin'ny endrika Fanahy. Ary amin'izay fotoana izay dia ao anatiko sy anatinareo Ny Ainy, mba hanome finoana anareo sy hanome finoana ahy.

³¹⁶ Ankehitriny, jereo eto. Ity—ity fanamafisam-peo ity, raha tsy nisy feo velona iray eto hiteny ao anatiny, dia ho moana tanteraka iray izy. Marina ve izany?

³¹⁷ Ankehitriny, jereo. Henoy tsara, mba tsy ho diso an'izany ianareo ankehitriny. Ity zava-misy ity, raha hataon'Andriamanitra izany, dia hilamina hatreо.

³¹⁸ Ankehitriny, ity fanamafisam-peo ity dia tsy afaka miteny mihoatra ny inona na inona, satria tsy manana na inona na inona hiresahana izy. Marina ve izany? Ankehitriny, ny fomba tokana izay ahafahan'ity fanamafisam-peo ity miteny, dia satria misy zavatra miresaka ao anatiny.

³¹⁹ Ankehitriny, inty aho. Tsy fantattro io vehivavy io, tsy mbola nahita azy mihitsy. Ity ny tānako eo anatrehan'Andriamanitra, ary nanangana ny tānany izy, hoe tsy nifankahafantatra izahay. Tsy mahafantatra na inona na inona mikasika azy aho. Fa, raha tsy misy Zavatra miditra *eto*, mba hiteny an'izay tsy mety *etsy*, izaho dia moana, ihany koa, satria tsy mahafantatra na inona na inona aho. Andriamanitra no mahafantatra fa marina izany. Hitanareo? Tsy maintsy misy Zavatra hanao ny fitenenana.

³²⁰ Ankehitriny, afaka manao ny safidinareo ianareo. Raha ianareo, tahaka an'i Filipo, hoy izy hoe... Na, hoy i Natanaela hoe, "Ianao no Kristy, ilay Zanak'Andriamanitra velona. Ianao no—no Mpanjakan'i Isiraely." Hitanareo? Na ianareo afaka ny ho ireo izay nilaza fa Belzeboba izany. Hitanareo ve izay misy azy ireo izao hariva izao? Manontania hoe aiza i Natanaela izao hariva izao. Tsy mety maty. Hitanareo? Ataovy ny safidinareo. Miankina aminareo izany. Hitanareo?

³²¹ Fa ankehitriny, milaza an'izany aho, miandry mba hahita raha hanome ahy an'ilay hosotra Izzy. Raha tsy manome ahy an'ilay hosotra Izzy, amin'izay fotoana izay dia zavatra tokana ihany no azoko hatao, ry sakaiza, dia ny miala tsiny, fa tsy nihaona tamiko Izzy izao hariva izao. Ary amin'izay fotoana izay dia hametra-tānana eo amin'ireo olona marary ireo fotsiny izahay ka hivavaka ho azy ireo, ary hangataka ny tso-drano, hanao antso eny amin'ny alitara, dia handeha hody. Izay ihany no azonay hatao. Izay ihany no fantattro hatao.

³²² Fa raha tonga Izzy, amin'izay fotoana izay dia heveriko fa ny tsirairay avy aminareo izay nanangana ny tānanareo, hoe te-hahita an'i Kristy ianareo, heveriko fa andraikitrareo, vantany vao tapitra mihitsy ity, ny tonga eto avy hatrany ka mandohalika, ary manao hoe, "Tompo Jesosy, manolotra ny tenako Aminao aho ankehitriny."

³²³ Satria, raha mpandainga iray aho, dia tsy hanamarina mpandainga iray mihitsy Izzy. Tsy misy Idirany amin'ny fahotana. Tsy hiditra Andriamanitra. Fa raha niteny ny Fahamarinana taminareo aho, amin'izay fotoana izay dia voaterin'Ny Teniny Izzy, mba—mba—mba hanaporofo fa izany no Fahamarinana.

Andriamanitra, ekeo izany.

³²⁴ Ankehitriny dia aoka hanaja fotsiny. Hitanareo? Hatraiza hatraiza ato amin'ny mpanatrika, aoka hanaja fotsiny.

³²⁵ Mety tsy maintsy hiresaka aminao iray minittra fotsiny aho, ramatoa, zavatra iray hafa fotsiny. Tsy mahatsapa an'ilay

hosotra eo amiko aho. Ary izaho—tsy mahafantatra anao aho, ary noho izany dia izay ilay izy. Ankehitriny, ny zavatra tokana tiako hataonao, raha manontany zavatra aminao aho, dia lazao fotsiny hoe “eny” sy “tsia.” Hitanao? Ankehitriny, ny antony anaovako an’izao... Ndao isika haka zavatra iray fotsiny, mba ahafahan’izany...

³²⁶ Tsy te-hiala amin’ny Soratra mihitsy isika. Mijanona tsara amin’ny Soratra, amin’izay fotoana izay dia fantatsika fa marina ny antsika.

³²⁷ Ankehitriny, ohatra, Jesosy, ankehitriny, tany amin’ny firenena iray hafa Izy. Ary teny amin’ny Lèlany nankany Jeriko Izy, izay eo ambanin’ny tendrombohitra mihitsy. Saingy nila nandalo an’i Samaria Izy, eto amin’ity lèlana ity. Ankehitriny, ny Ray no naniraka Azy tany. Hoy Jesosy hoe...

³²⁸ Ao amin’ilay toko manaraka, ny toko faha-5, rehefa nanasitrana lehilahy iray izay tratran’ny karazana aretina iray Izy. Olona an’arivony no nandry teo, vahoaka betsaka mandringa, jamba, kilemaina, malemy, niandry ny fihetsehan’ny rano. Dia nandalo Jesosy, ka nahita lehilahy iray izay tratry ny aretina mitarazoka Izy, TB angamba, na aretin’ny prostaty, na zavatra iray. Ary Nataony salama izy, satria Fantany fa teo izy, ary fantany fa tahaka an’izany izy. Nanohy, namela ny sisa tamin’ilay vahoaka betsaka teo. Nanohy, lasa. Fantatsika fa izany no fahamarinana. Marina ve izany?

³²⁹ Hitan’izy ireo, nahita Azy ireo Jiosy, ka nanontany Azy. Hanontany Azy indray izy ireo izao hariva izao. “Nahoana Izy no? Raha manana fangorahana Izy, ary tia ny olona rehetra, dia nahoana no Navelany io vahoaka betsaka manontolo mandringa, jamba, kilemaina, malemy, nandry teo io?”

³³⁰ Nanasitrana lehilahy anankiray fotsiny izay tsy tena marary. Tsy namono azy izany. Efa nanana an’izany izy, valo amby telopolo taona. Nitarazoka izany. Afaka nandeha izy. Hoy izy, “Rehefa handeha hidina eo amin’ny dobo aho, dia misy olona misongona ahy eo.” Hitanareo? “Misy olona mitsofoka eo alohako.” Fa io anankiray io no Nataony salama.

³³¹ Ary rehefa nanontaniana Izy, dia ity Ireo Teniny. Masindahy Jaona 5:19, “Marina tokoa, marina tokoa, Lazaiako aminareo, ny Zanaka dia tsy afaka manao na inona na inona amin’ny Tenany; fa izay Hitany ataon’ny Ray, dia toy izany koa no ataon’ny Zanaka.”

Noho izany rehefa nandeha niakatra nankany Samaria Izy, dia ny Tompo no nitarika Azy nankany.

³³² Ankehitriny, ny Tompo no nitarika ahy, Mpanompony, hanketo Phoenix. Izy no nitarika ahy teto izao hariva izao. Ankehitriny dia inty aho, manao an’ireo Fanambarany.

³³³ Ankehitriny, rehefa nandeha niakatra nankany Samaria Jesosy, ny zavatra voalohany Hitany dia vehivavy iray tonga teo Anoloany. Niresaka taminy Izzy mandra-Pahitany ny toerany. Rehefa niteny taminy Izzy, dia haingana mihitsy no nahafantarany fa na mpaminany iray izany na ilay Mesia nampanantenaina. Nilaza Izzy fa Izzy no Mesia. Hitanareo?

³³⁴ Noho izany dia fantatsika fa nisy ireo mpaminany tamin'ireo andro lasa. Amin'izao andro izao dia Kristy izany. "Andriamanitra tamin'ireo andro samihafa sy fanao samihafa dia niresaka tamin'ny razana tamin'ny alàlan'ny mpaminany; amin'izao andro farany izao dia amin'ny alàlan'Ny Zanany, Kristy Jesosy," dia ny Fanahy Masina ao anatintsika.

Ankehitriny dia eto Izzy.

³³⁵ Fantatrao izany. [Hoy ilay anabavy hoe, "Eny."—Mpand.] Te-hanontany anao aho, tahaka ny Kristiana iray amin'ny iray hafa. Vantany vao njery teo aho, dia afaka niteny zavatra izay nitranga ianao, Fanahy iray tena malemy, manetry tena. Marina ve izany? Atsangano ny tànanao raha marina izany, mba hahitan'ny olona. Hitanao? Ankehitriny, izao ankehitriny izao, mijery an'ilay vehivavy, raha afaka mahita azy ianareo (Hitanaeo ve eo?), Hazavana iray manganohano, mihetsika manodidina an'ilay vehivavy mihitsy.

³³⁶ Ankehitriny dia miala avy eto amiko izy. Tsia. Ho an'ny olon-kafa izany. Vehivavy iray hafa izany. Izany dia, mivavaka ho an'ny vehivavy iray ianao, olon-kafa. Ny rafozam-bavinao izany. Ary izy dia tratry ny—ny aretin'ny voa. Ary—ary voa anankiray ihany no ananany. Ary matahotra ianao hoe homamiadana ilay izy. Ary izany no maha-eto anao, mba hangataka ahy hivavaka ho azy. Izany no HOY NY TOMPO HOE. Mino ve ianao? Mandehana, minoa amin'ny fonao rehetra, dia tsy voatery hanala an'izany izy ireo. Aza misalasala. Ento iny zavatra kely izay anananao eny an-tànanao iny, apetraho eo aminy.

³³⁷ Mino amin'ny fonao rehetra ve ianao?

³³⁸ Manao ahoana ianao? Isika dia vahiny, ihany koa, ny iray amin'ny hafa. Ny fihaonantsika voalohany. Ary raha... Andriamanitra, amin'ny alàlan'Ny Zanany, Jesosy Kristy, no naniraka Ny Fanahiny. Hoy Jesosy hoe, "Na aiza na aiza iangonan'ny roa na telo amin'Ny Anarako, dia ho eo afovoan'izy ireo Aho." Izany no Fampanantenany, sa tsy izany? Ankehitriny, tsy afaka mandà ny Fampanantenany Izzy.

³³⁹ Ny zavatra tokana, hoe, tena malemy finoana loatra isika, hany ka diso amin'ny fahitana Azy. Izany no antony andefasan'Andriamanitra an'ireo mpaminany eto an-tany. Hitanaeo, tsy hamaky ny Baiboliny ny olona, ary izy ireo—izy ireo tsy, mandeha fotsiny izy ireo, noho izany dia mandefa famantarana iray ho azy ireo foana Andriamanitra. Ary mazàna ny mpaminany iray dia famantarana iray. Hitanaeo? Ary

amin'izao andro izao dia ny Fanahy Masina no Famantarantsika, satria Izy no Mpaminanin'Andriamanitra mihetsika amin'ny alàlantsika. Izy no Mpaminanin'Andriamanitra, Famantarana iray an'ny andro farany.

³⁴⁰ Ankehitriny, tsy mahafantatra anao, ary tsy mahafantatra na inona na inona mikasika anao. Fa raha Jesosy Kristy Tompo, fa vao avy nolazaiko izany, avy ao amin'ny Baiboly, no hiteny amin'ny alàlako ka hiteny amiko an'izay itsangananao eo, dia hanao anao hino ve izany? [Hoy ilay anabavy hoe, "Eny."—Mpand.] Hanao ny mpanatrika hino ve izany?

Ankehitriny, mihaino ny Ray. Fantatro.

³⁴¹ Mijaly amin'ny aretin'ny fikorontanan-tsaina ianao. Marina izany. Raha marina izany, dia atsangano ny tånanao.

³⁴² Ankehitriny, misy olona eo mihevitra fa izaho no maminavina an'izany. Ankehitriny, tsy afaka hanafina an'izany ianao ankehitriny, rahalahy. Tonga eto izany. Hitanareo? Tratrako izany. Aza mino an'izany. Aza mino an'izany mihitsy ianareo. Fahotana izany. Tsi-finoana izany. Hanameloka anareo ny amin'izany Andriamanitra. Hamaly ianareo amin'ny Andron'ny Fitsarana. Tokony hantsoiko izany, saingy mazàna dia tratry ny olana aho.

³⁴³ Tsy fantatro izay Noteneniny taminao. Vetylety fotsiny. Hia, io ilay izy, aloka iray. Fikorontanan-tsaina ilay izy, fahalemena. Lasa malemin'izany, sorena tanteraka, efa nanana an'izany nandritry ny ela be. Marina izany. Ianao dia mbola manana olana iray, ihany koa. Manana olona iray izay ivavahanao. Ny vadinao, any amin'ny hopitaly, miaraka amin'ny aretim-bavony, vao avy nahazo fandidiana. Rtoa. Good, mandehana mody, minoa amin'ny fonao rehetra. Ary apetraho eo aminy iny, dia izy ho—ho salama izy. Andriamanitra hitahy anao.

³⁴⁴ Mahafantatra anao ve Izy? Hitanao? Azo antoka, mahafantatra Izy. Hitako. Izany dia... Tsy fantatrareo ve fa ilay Jesosy iray ihany izay nandeha tany Galilia no ilay Jesosy iray ihany eto izao hariva izao? Tsy afaka mahafantatra an'izany ve ianareo?

³⁴⁵ Ankehitriny, tsy mahafantatra na inona na inona aho mikasika... Heveriko fa io ilay vehivavy izay nivavahana, *etsy* mihitsy. Marina ve izany? Misy aminareo olona ve mba nahafantatra an'io vehivavy io? Misy olona mahafantatra an'io vehivavy io ve? Atsangano ny tånanareo. Marina ve ireo zavatra ireo? Ahofahofaho ny tånanareo, raha marina izany. *Itsy* mihitsy. Mahafinaritra izany.

³⁴⁶ Avia. Miteny Anglisy ve? [Hoy ilay rahalahy hoe, "Eny, tompoko."—Mpand.] Mety tsara izany. Indiana? ["Indiana."] Manaja anao aho; tena Amerikana iray. Tsy mihevitra aho... Izaho, lehilahy anankiray fotsiny, afaka mandray fanapahan-kevitra iray aho. Afaka mandray ny fanapahan-kevitro

anankiray fotsiny aho. Tena mihevitra aho fa tsy mahazo an'ilay fitondrana tsara ianareo. Ianareo dia mahafantatra fa tsy mahazo aho. Heveriko, raha tokony handefa an-tapitrisany sy an-davitrisany dolara, any am-pitan-drano masina, dia tokony hikarakara anareo olona izy ireo. Marina. Marina. Marina tokoa. Nandeha niaraka taminareo foana ny foko. Tany amin'ny faritra arovana any San Carlos aho, vao tsy ela akory izay. Toy ny ahoana no nihetsehan'ny Fanahy Masina tany, nanasitrana an'ireo vahoaka mahantra ireo!

³⁴⁷ Vahiny aminao aho, tompoko. Tsy mahafantatra anao aho. Tsy mbola nahita anao mihitsy aho teo amin'ny fiainako. Vahiny tanteraka isika. Marina izany. Zòm-pirenena roa isika. Izaho Anglo-Saxon iray; ianao Indiana iray. Manana rà kely aho ato anatiko avy amin'ny reniko. Cherokee iray ny renibeko. Reharehako izany. Marina. Fa amin'ny maha-rahalahiko, dia tsy hanao na inona na inona handratra anao aho. Te-hanampy anao fotsiny aho.

³⁴⁸ Ny foko Indiana, taloha, raha nanana anankiray teo anivony izy ireo, izay afaka miteny mialoha sy maneho hoe taiza no nisy an'ilay haza, dia lasa mpaminany iray eo anivon'izy ireo izy. Ary izy ireo dia... Fa raha niteny zavatra mialoha izay tsy marina izy, dia tsy maintsy maty nohon'ny amin'izany izy. Tsy maintsy izy. Marina izany. Tsy nivazivazy taminy izy ireo.

³⁴⁹ Raha Andriamanitra no Andriamanitra... Ny firenena no mety nanome anareo fitondrana ratsy iray, fa Andriamanitra tsy hanome anankiray ho anareo mihitsy. Nandefy Ny Zanany ho anareo Izy.

³⁵⁰ Hitako mihitsy izay nitranga. Vao avy nivoaka ny hopitaly ianao. Ah-hah. Tonga eto ianao mba hivavahana. Tratry ny aretim-bavony ianao, ary vonona ho an'ny fandidiana iray. Izany no HOY NY TOMPO HOE. Avia eto.

Ray any An-danitra, manameloka an'io aretim-bavony io aho.

³⁵¹ Satana, niafina an'ilay dokotera ianao, saingy tsy hiafina an'Andriamanitra mihitsy. Mivoaha ao aminy, amin'ny Anaran'i Jesosy Kristy. Amena.

Aza manahy mikasika an'izany. Mandehana, aoka ho mety tsara.

Mino ve ianao?

Manao ahoana ianao?

³⁵² Io ramatoa kely mipetraka *eto* io mihitsy, mivavaka, aorian'io ramatoa tanora mipetraka eo aloha io mihitsy, miaraka amin'ny aretin'ny tatavia, mino ve ianao fa hanasitrana anao ny Tompo Jesosy, ramatoa? [Hoy ilay anabavy hoe, "Mino aho fa efa nanasitrana Izy."—Mpand.] Izay ilay izy.

³⁵³ Teneno amiko hoe Iza no nokasihany. Roapolo dian-tongotra avy eto amiko no misy azy. Nikasika an'ilay Mpisoronabe izy, marina izany, izay azo kasihan'ny fahatsapan'ny fahalementsika. Mino an'izany ve ianareo?

³⁵⁴ Mino ve ianao, ramatoa? [Hoy ilay anabavy hoe, "Eny."—Mpand.] Mino ve ianao fa afaka miteny amiko Andriamanitra hoe inona ny aretinao? ["Eny, mino aho."] Tsy ianao no manana aretina, ny rahavavinao ilay izy. Tratry ny homamiadana izy. Marina izany. Aza...Minoa, aza misalasala. Ento ilay mosara izay nalainao ho azy, ka apetraho eo aminy izany. Minoa amin'ny fonao rehetra. Ho afaka amin'izany izy, raha mino amin'ny fonao rehetra ianao. Manohiza hatrany. Ah-hah.

³⁵⁵ Manàna finoana. Mino an'izany amin'ny fonao rehetra ve ianao?

Niala teto amin'ny lampihazo ilay izy. Any amin'ny mpanatrika izany.

³⁵⁶ Izany dia vehivavy kely, mahia mipetraka iry aoriana iry, izay tratry ny TB. Mipetraka iry aoriana iry, mivavaka. Mino ve ianao fa hanao anao ho salama Andriamanitra? Mino ve ianao? Ilay ramatoa kely mijery mahitsy mihitsy, any amin'ny farany aoriana. Atsangano ny tànanao, iry aoriana iry, ramatoa, aorian'io lehilahy izay mitodika io mihitsy. Minoa amin'ny fonao rehetra. Eny. Vehivavy kely, mitapa-bolo. Eny àry. Izay ilay izy. Minoa an'izany, dia hifarana ilay izy.

³⁵⁷ Inona no nokasihany, ery amin'ny farany aoriana ery? Mihaika anao aho mba hino an'izany.

³⁵⁸ Ahoana ny aminao, ramatoa? Mino ve ianao fa efa niala taminao io aretin-damosina io, hatramin'ny nitsangananao teto? Eny, noho izany, mandrosoa fotsiny. Izay ihany no tokony hataonao. Minoa an'izany amin'izay rehetra ao anatinao.

³⁵⁹ Tratran'ilay zavatra iray ihany ianao. Noho izany raha mino fotsiny ianao, dia manohiza mandeha, manao hoe, "Misaotra Anao, Tompo. Ataovy salama izany." Minoa amin'ny fonao rehetra.

³⁶⁰ Matahotra ny ho lasa kilemaina nohon'ny aretin-kozatra ianao. Sa tsy izany? Noho izany raha mino ianao, mino amin'ny fonao, dia mandehana minoa amin'ny fonao rehetra, ary aoka ho salama. Izay ihany no tokony hataonao, dia ny mino.

³⁶¹ Mino ve ianao? Ahoana ny amin'ny sasany aminareo olona eo? Ao amin'ny finoana ve ianareo, mino?

³⁶² Ahoana moa raha niteny taminao aho fa efa nanasitrana anao Jesosy, mitsangana eo, hino an'izany ve ianao? [Hoy ilay anabavy hoe, "Amena."—Mpand.] Manomboha mandeha fotsiny, hitanao, mino amin'ny fonao rehetra.

³⁶³ Te-handeha hody, hihinana ny sakafo harivanao ve ianao? Mino fa efa niala taminao io vavony antitra mikorontana io? Mandrosoa, mihinàna raha te-hihinana ianao. Minoa.

Mino ve ianao?

³⁶⁴ Ahoana ny amin'itsy vehivavy mipetraka etsy itsy, mivavaka ho an'io kely, io ankizy io, izay trathy ny aretin-drà? Mino ve ianao fa hanasitrana an'ilay ankizy Andriamanitra? Eny àry, afaka mahazo an'izany ianao.

³⁶⁵ Nandòna an'io ramatoa io izany, mihitsy—eo akaikinao eo mihitsy. Mipetraka eo izy mivavaka ho an'ny aretin'ny fikorontanan-tsaina iray, marina izany, akaikinao. Izao koa, manana anadahy iray izay trathy ny aretin-tsaina ianao. Marina izany. Manana reny izay manana maso ratsy. Raha mino amin'ny fonao rehetra ianao, dia hanao azy ireo ho salama Andriamanitra. Amena.

³⁶⁶ Mino Azy ve ianao?

³⁶⁷ Ahoana ny aminao eto, ao amin'ny sezamisy kodiarana? Mino ve ianao? Zanakalahinao io mipetraka eo io, izay vao avy nilaza an'izany teo. Zanakalahinao io. Trathy ny homamiadana ianao eo amin'ny tarehinao. Sarotra ny fandrenesanao. Mitady ny batisan'ny Fanahy Masina ianao. Marina izany. Raha mino an'izany amin'ny fonao rehetra ianao! Mino an'izany ho azy ve ianao, anaka? Mino an'izany amin'ny fonao rehetra ve ianao? Teneno aminy eo amin'ny sofiny. Apetraho eo aminy ny tànananao, ka aoka izy handray ny batisan'ny Fanahy Masina.

³⁶⁸ Mino ve ianareo fa Jesosy Kristy no tsy miova omaly, anio, ary mandrakizay?

³⁶⁹ Mino ve ianareo fa ny Mesia, ilay Mesia lehibe an'Andriamanitra, dia mihetsika eo anivon'ny Olony?

³⁷⁰ Manaiky ny hahafoy ny rehetra ve ianareo ka hanaraka Azy? Raha manaiky ianareo, dia atsangano Aminy ny tànanareo, ka manaova hoe, "Hanaraka Azy aho. Hanaraka Azy aho. Hino Azy aho. Ny Teny tsirairay izay Lazainy, dia hino Azy aho. Hanitsy ny fiainako aho. Hiasa ho Azy aho." Hamindra fo anie Andriamanitra! Andriamanitra hitahy anareo.

³⁷¹ Firy no mpino ato ankehitriny? Atsangano ny tànanareo.

³⁷² Firy no te-hanakaiky Azy? Atsangano ny tànanareo. Izay rehetra te-hanakaiky Azy sy hanaiky Azy izao ankehitriny izao, dia eto mihitsy Izy. Izao No Fanatrehany.

³⁷³ Ilay lehilahy ery aorianea ery miaraka amin'ny aretin'ny prostaty, tapitra ilay izy, rahalahy. Nanasitrana anao vao teo mihitsy Andriamanitra.

³⁷⁴ Nahoana, mandeha hatraiza hatraiza tahaka an'izao fotsiny Izany, ao anatin'ilay Hazavana, mihodinkodina manerana ny tranobe rehetra. Ny zavatra rehetra dia mety hitranga izao

ankehitriny izao. Afaka hanana pentekosta hafa iray isika, raha mino an'izany fotsiny ianareo.

³⁷⁵ Mitsangàna, ny tsirairay avy aminareo. Atsangano amin'Andriamanitra ny tånanareo. Omeo Azy ny dera.

³⁷⁶ Misaotra Anao, Tompo Jesosy. Manompo Anao izahay, Ray, satria Ianao no Mpamonginay sy Andriamanitray. Eto Ianao. Efa nanamarina ny Teny Ianao. Efa nanaporofo an'Izany ho marina Ianao. Ianao no Andriamanitra, ilay Mesia, ilay tsy miova omaly, anio, ary mandrakizay. Tsy misy fahadisoana, tsy misy fisalasalana, fa Ianao no Tompo Jesosy tsy miova. Ny dera anie ho an'Ny Anarany Masina!

³⁷⁷ Tianareo ve Izzy? Manaova hoe, “Amena.” [Hoy ny fiangonana hoe, “Amena.”—Mpand.]

³⁷⁸ Firy aminareo no mpino ankehitriny? Atsangano ny tånanareo. Ankehitriny, Jesosy no nilaza an'izao, Izzy tenany, “Izao famantarana izao no hanaraka an'ireo izay mino. Raha mametrakà ny tånany eo amin’ny marary izy ireo, dia ho sitrana ireny.” Tsy izaho no hany tokana izay manana ny Fanahy Masina. Ianareo dia manana Azy, ihany koa. Mpino iray ianareo, mitovy amiko mpino iray mihitsy. Ankehitriny dia afoizo ny fisalasalanareo rehetra.

³⁷⁹ Apetraho eo amin’ny olona iray ny tånanareo ka minoa fa hanasitrana an’io olona io Andriamanitra, araka Ny Teniny. Raha mihazona an'izany karazana izany Izzy... Apetraho eo amin’ny olona iray ny tånanareo, mandehana mivavaka ho azy ireo, manaova hoe, “Tompo, sitrano ity olona ity.” Mivavaha dia jereo izay mitranga. Mpino iray ianareo.

³⁸⁰ Andriamanitra Tsitoha, amin’ny Anaran’i Jesosy Kristy no nandresenay ny devoly. Niteny mafy azy izahay, ary namotipotika ny heriny niala taminy. Tamin’ireo dian-kapok’i Jesosy Kristy Tompo dia salama izahay.



MAHAFOY NY REHETRA MAG62-0123
(Forsaking All)

Ity Hafatr'i Rahalahy William Marrion Branham ity, izay notoriana tamin'ny Teny Anglisy ny Talata hariva, 23 Janoary, 1962, tao amin'ny Sunnyslope Assembly Of God ao Tempe, Arizona, U.S.A., dia nalaina avy tamin'ny horonam-peo ary natonta manontolo amin'ny Teny Anglisy. Ity fandikana amin'ny Teny Malagasy ity dia natonta sy nozarin'ny Voice Of God Recordings.

MALAGASY

©2023 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Filazana fahefan'ny tompon'ny boky

Tsy azo adika. Ity boky ity dia azo atao printy amin'ny fanaovam-printy ao an-trano ho an'ny fampiasana manokana na ho zaraina, tsy misy sarany, ho fitaovana iray hanaparitahana ny Filazantsaran'i Jesosy Kristy. Ity boky ity dia tsy azo amidy, na adika indray amin'ny refy lehibe, na alefa amin'ny siteweb iray, na tehirizina amin'ny fomba nisy nanesorana, na adika amin'ny fiteny hafa, na ampiasaina ho fangataham-bola raha tsy misy alàlana voasoratra mazava avy amin'ny Voice Of God Recordings®.

Ho an'ny fanazavana fanampiny na ho an'ny fitaovana hafa efa azo raisina, dia iangaviana hifandray amin'ny:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org